

ՀԼԱԳԻՏՈՒԹՅՈՒՆ

ՀՈ. ԶԱՆՓՈՂԱԳՅԱՆ

Մեծի թագավոր Գրիգոր Եվ Նոր Գեորգիի վանքը

Նոր Գեորգիի վանքը գտնվում է Դիլիջանի շրջանի Գոշ գյուղում, հնում՝ Արցախի Քուստ գավառի Տանձուտա ձորում: Հիմնադրվել է 12-րդ դարի վերջերին և հանդիսացել է իր ժամանակի հյուսիսային Հայաստանի կարևոր կրթական և կուլտուրական օջախներից մեկը և սերտ կերպով կապված է վանքի հիմնադիր, ժամանակի մեծ գիտնական Մխիթար Գոշի գործունեության հետ:

Տանձուտա գեղատեսիլ ձորն իր բնական դիրքով շատ համապատասխան էր միջնադարյան վանական ճարտարապետության պահանջներին: Վայրի բնորոշ գծերն են՝ երեք կողմի անտառապատ լեռները, խոր ձորերում հոտող կարկաչուն գետակը, դեպի վանքի սարահարթը տանող դժվարանցանելի ճանապարհը:

Նոր Գեորգիի վանքի հիմնական շինքերը որոշ խախտումներով պահպանված են մինչև մեր օրերը. նրանք բաժանվում են երկու խմբի և տեղավորված են այժմյան Գոշ գյուղի արևմտյան ծայրամասում գտնվող փոքրիկ ձորակի երկու կողմերում: Հուշարձանի հիմնական խումբը տեղավորված է գյուղի հյուսիսում գտնվող սանձանափակ սարահարթի վրա: Կենտրոնում բարձրանում է Աստվածածնի տաճարը՝ շուրջանակի քանդակազարդ գլուխ ունեցող դմբեթով: Մայր տաճարին կից է գավիթը, որը արտաքուստ մի անշուք շենք է: Գավիթի հարավային կողմում տեղավորված է ս. Գրիգորի առանց գմբեթ սալածածկ տանիքով եկեղեցին: Սրա պատերը, մուտքը և ներսի մանրամասները զարդարված են նուրբ քանդակներով: Մուտքի աջ և ձախ կողմերում տեղավորված են հրաշալի խաչքարեր: Այս եկեղեցու արևելյան պատի դիմաց և Աստվածածնի տաճարի հարավային պատին կից կառուցված են երկու իրար կից փոքրիկ մատուռներ: Մայր տաճարի հարավում գտնվում է 1231 թվի կառուցած ս. Գրիգորի հինգ խորան եկեղեցին: Գավիթի հյուսիսային պատի մոտ, անջատված գավթից փոքրիկ կամարակապ տանիք ունեցող միջանցքով, գտնվում է գրատուն-զանգակատունը: Սրան

կից է եղել մարտիրոսաշեն ժամատունը, որից այժմ պահպանված է միայն քարե պատերի ներքին մասը: Այս սարալանջի վրա եղած մյուս շինքերի հետքերը չեն պահպանվել: Սարալանջի վրա մնացել են միայն վանքի պարսպի մասնակի հետքերը:

Վանքի ճարտարապետական երկրորդ խումբը գտնվում է գիմացի՝ հարավ-արևմտյան սարալանջի վրա: Այստեղ է ս. Գևորգի փոքրիկ մատուռը, Գոռ Մխիթարի դամբարանի ավերակները: Համաձայն մեզ հասած տեղեկությունների, այս սարալանջի վրա է եղել տեղավորված նաև Մխիթարի ընկալարանը¹:

Այժմ քանդված է զանգակատան դմբեթը, խախտված է Աստվածածնի տաճարի տանիքը, խախտված են մատուռները: Քանդված են եղել առաջին և երկրորդ ս. Գրիգորի տանիքները, որոնք վերականգնված են 1937 թ. Հայաստանի Պատմական Հուշարձանների Պահպանության կոմիտեի կողմից:

Այժմյան այդ կիսավեր վանքը իր ժամանակին խոշոր կուլտուրական և անդամ քաղաքական դեր է խաղացել հայ ժողովրդի կյանքում:

Նոր Գեօրգի վանքի միաբանության կյանքի և գործունեության մասին տեղեկությունները հասնում են մինչև 14-րդ դարը, որից հետո, նա կորցնում է իր նախկին դերը և հետըզհետե վեր է ածվում մի փոքր և աննշան վանքի, որը պահպանվում էր էջմիածնի կողմից նշանակված վանահայրերի միջոցով: Վանքի շուրջը այժմ տեղավորված է մի փոքր գյուղ, որը վանքի հիմնադիր Մխիթար Գոռի հիշատակին Գոռ է կոչվում:


Նոր Գեօրգի և հատկապես նրա պատմական անցյալը հետաքրքրության առարկա է դառնում 19-րդ դարից սկսած: Այս դարի ընթացքում մի քանի աշխարհագրագետների, ճանապարհորդների և պատմաբանների ուշադրությունն է գրավել այս վանքը, որոնք որոշ տեղեկություններ են տալիս նրա մասին: Ոմանք նույնիսկ արտադրում են մի քանի վիմական արձանագրություններ: Ցավոք, եղած գրականությունը գլխավորապես միայն նկարագրական ընույթ ունի: Դրանցից հայտնի են.

1. Ղուկաս վարդապետ Ինձիճեան—Ստորագրություն հին Հայաստանեայց. Մեծ Հայք, Վենետիկ, 1822: Այս աշխատու-

¹ Կրակոս Գանձակեցի—Պատմություն Հայոց՝ Թիֆլիս, 1909, էջ 305:

Թյան Վեջի մի են հավաքված հին և միջին դարերի պատմագիրների մոտ եղած անգլիկոթյունները պատմական հին վայրերի և անունների մասին, որոնք ճշտված և ուղղված են ոչ միայն հայկական աղբյուրներով, այլ նաև հունական, հռոմեական և սառարական աղբյուրների միջոցով:

357 էջում կան որոշ պատմա-աշխարհագրական տվյալներ Նոր Գեորգի մասին, որոնք գլխավորապես վերցված են Կիրակոս Գանձակեցուց:



Նկ 1. Վանքի ընդհանուր տեսքն արևմուտքից

2. Սարգիս Վարդապետ Զալալիանց — «Ճանապարհորդութիւն ի Մեծն Հայաստան», հատոր Ա, մասն Բ., Տփլիս, 1842 թ.:

Հեղինակը տալիս է Նոր Գեորգի հուշարձանների համառոտ նկարագիրը և վանքի կարճատա պատմութիւնը: Տպագրված են նաև 28 լիժական արձանագրութիւն:

3. Յովհաննէս Եպիսկոպոս Եանթաթունեանց — «Ստորագրութիւն կաթողիկէ էջմիածնի և հինգ զաւառացն Արարատայ»: Էջմիածին, 1842 թ.: Աշխարհագրական-հնագիտական աշխատութիւն է:

Երկրորդ հատորի մեջ տպագրված է Նոր Գետիկի 3 վիմական արձանագրութիւնն:

4. Հ. Մանուել Վ. Քաջունի—«Աշխարհագրութիւն հին և նոր Հայաստանեայց», Վենետիկ, 1857 թ.:

124 էջում ունի պատմա-աշխարհագրական մի փոքր հաղորդում Նոր Գետիկի մասին:

5. «Գոշ Մխիթարի վանքը» անստորագիր հոդված «Արաքս»-ում, Պետերբուրգ, 1882 թ., գիրք Բ, էջ 40—42: Ընդհանուր ծանոթութիւն պարունակող նկարագրական հոդված է: Ունի վանքի ընդհանուր տեսարանի լուսանկարը և մեջ է բերված մի արձանագրութիւնն:

6. Մեսրոպը արքեպիսկոպոս Սմբատեանց—«Տեղագիր Գեղարքունի ծովազարդ գաւառի, որ այժմ Նոր-Բայազիտ գաւառ», Վաղարշապատ, 1895 թ., էջ 170—178: Ծանալարհորդական հիշողութիւններ, որոնք իրենց մեջ պարունակում են պատմա-հնագիտական, ազգագրական բնույթի հարուստ նյութ: Օգտագործած նյութը հեղինակը բարխղճորեն համեմատել է իրենից առաջ եղած աշխատութիւնների հետ: Նոր Գետիկից հրատարակած է 3 արձանագրութիւնն:

7. Մակար եպիսկոպոս Բարխուդարյանց—«Արցախ», Բագու, 1895 թ.: Պատմա-աշխարհագրական, հնագիտական, ազգագրական նկարագրական աշխատութիւն: Նոր Գետիկին հատկացված է 343—356 էջերը: Բարխղճորեն նկարագրված են վանքի եկեղեցիները և ընդօրինակված է 12 արձանագրութիւնն:

8. Հ. Անոնի Ալիշան—«Հայաստան», Վենետիկ, 1901 թ., էջ 401—405, հոդ. 237, ա, բ, գ, դ.:

Վերապատում է Գանձակեցու Պատմութիւն Մ. Գոշին և Նոր Գետիկին վերաբերող գրութիւնները:

9. Իսահակ Հարութիւնյան—«Գոշա վանք կամ Նոր Գետիկ», «Ազգագրական Հանդես», 10, 1903 թ., էջ 5—38: Պատմական նկարագրական հոդված, 11 էջերում տալիս է պատմական տեղեկութիւններ Մխիթար Գոշի կենսագրութիւն և գործունեութիւն մասին: Յուրաքանչյուր հուշարձանի համառոտ նկարագիրը տալուց հետո, տեղավորում է նրա արձանագրութիւնները: Զի նշում արձանագրութիւնների նախորդ հրատարակութիւնները: Հրատարակված է 65 արձանագրութիւնն: Ն. Գետիկի մասին նշածս գրականութիւնից ամենալիարժեք և բարեխիղճ

գործն է: Արձանագրութիւնները հավաքել է անձամբ ինքը:
 10. Ն. Ս. Էփրեկյան—Պատկերազարդ բնաշխարհիկ բառարան, հ. Ա., Վենետիկ, 1903—05: Տեղեկութիւնները վերցրել է Գանձակեցոյց:

11. Ն. Սպանդիարեան—«Մխիթար Գոշրի վանքը», Մշակ, 1911 թ. №№ 16, 17, 18: Հեղինակն իր այս հոդվածն անվանում է «Ամառային հիշողութիւններ», բովանդակում է Գանձակեցոյց, Բաստամյանից և «Արցախից» քաղված տեղեկութիւններ Գոշրի և Նոր Գետիկի մասին: Տպագրել է 54 արձանագրութիւն: Հոդվածի վերջում խոսում է նաև Զուխտակ վանքի մասին:

12. Кучук-Иоаннесов— «Сведения и заметки о старинных надписях находящихся в пределах России».

Древности Восточные, т. IV, Москва, часть V.

Հեղինակն ինքը՝ վանքը և արձանագրութիւնները չի տեսել: Հոդվածը կազմված է Գանձակեցոյց Պատմութեան, Սպանդիարյանի հոդվածի, Բարխուդարյանի «Արցախի» հիման վրա: մեջ է բերել 12 արձանագրութիւն, որոնք քաղել է «Արցախից»:

13. Կ. Կոստանեպնց—«Վիմակն Տարեգիր» ցուցակ ժողովածոյ արձանագրութեանց Հայոց, Ս. Պետերբուրգ, 1913: Օգտագործել է իրենից առաջ հավաքած և հրատարակած արձանագրութիւնները, արտագրելով այն Զալալյանից, Շահխաթունյանից, Բարխուդարյանից: Հրատարակել է ընդամենը 8 արձանագրութիւն:

14. Ն. Ն. Ոսկեան—«Մխիթար Գոշր», «Հանդես ամսօրյա» 1925 թ., 548—561: Տրված է Մխիթար Գոշրի մանրամասն կենսագրութիւնը: Նկարագրված է նաև Նոր Գետիկի վանքը և նրա շինարարութիւնը: Օգտագործված է Սմբատյանի և Կոստանյանցի վերոհիշյալ աշխատութիւնները: Տպագրել է մեկ արձանագրութիւն:

15. Գարեգին արքեպիսկոպոս Հովսեփյանց—«Նյութեր և սուսումնասիրութիւններ հայ արվեստի և մշակույթի պատմութեան», պրակ Ա, Երուսաղեմ, 1935 թ.: «Վախտանգ որդի Ումեկա» հոդվածում խոսում է Նոր Գետիկի մասին, որպես Ումեկյանների տոհմական կայվածքի: Տպագրել է 2 արձանագրութիւն:

16. Ն. Թումանյան—«Սորհրդային Հայաստանի պատմական հուշարձանները: Դրվիջանի շրջան: Ուղեցույց-լարոմ շրջանի հնագիտական քարտեզով», ռուսերեն, աղբյուրներն և ֆրանս-

սերեն ամփոփումներով, Երևան, 1937 թ.: Նոր Գետիկի վանքի կարճատև նկարագրութունը, արտատպված «Արցախից»:

Ունի 11 լուսանկար:

17. Н. М. Токарский — „Архитектура древней Армении“, Ереван, 1946 г. (248, 250, 257, 261, 268, 280, 285, 286, 290, 291, 307, 310, 313—315, 317, 319). հայ հին ճարտարապետության որոշ էտապների կապակցությամբ խոսում է ն. Գետիկի վանքի որոշ առանձնահատկությունների մասին:

* * *

Այս աշխատության հիմնական աղբյուր են ծառայել Նոր Գետիկի վիմական արձանագրութունները, զիևս 1917 թ. տեղում բնագործնակված ակադեմիկոս Հովսեփ Օրբելու ձեռքով, որը և 1942 թվականին մեծ սիրալիրությամբ ինձ տրամագրելով իր սեպագրութունները, գործուղեց Նոր Գետիկի արձանագրութունները տեղում ստուգելու և լրացնելու համար:

Հիշյալ արձանագրութունները լրացնելու և ճշտելու համար որպես հիմնական աղբյուր օգտագործել եմ նաև Կիրակոս Գանձակեցու Հայոց Պատմութունը: Գանձակեցին ինքը եղել է Նոր Գետիկի սան, աշակերտել է Գոշի աշակերտ վանական վարդապետին և իր կյանքի մեծագույն մասն անց է կացրել այդ վանքում: Գանձակեցին երեք գլուխ է նվիրում Նոր Գետիկի կյանքին և պատմությանը՝

— «Վասն շինութեան վանացն Նորն Գետկայ»,

— «Թէ որք էին, որք երեկիք էին յաշակերտսն նորա»,

— «Վասն որք յետ նորա կալան առաջնորդութիւն»:

Կիրակոսը եղել է ականատես և մասամբ մասնակից այն անցքերի, որը ինքը նկարագրում է: Նա մեկն է միջնադարյան այն հայ պատմիչներից, որոնք չնայած այն բանին որ գրում են իրենց ժամանակաշրջանի պատմութունը և հենվում են գլխավորապես իրենց գիտեցածի և տեսածի վրա, բայց երբեք չեն մոռանում իրենց դործի պատասխանատվութունը և անընդհատ ստուգում ու ճշտում են փաստերը: Կիրակոս Գանձակեցին իր Պատմության համար մեծ չափով օգտագործել է Նոր Գետիկի վիմական արձանագրութունները, երբեմն ամբողջովին բերելով նրանց բովանդակութունը:

Որպես օժանդակ աղբյուր է ծառայել նաև Նոր Գետիկի վանքի ճարտարապետական չափագրութունը, որը կապարել է Հայ. Պատմ.

Հուշ. Պահպանութեան Կոմիտեի 1942 թվի գիտ. արշավը ճարտարապետ Ռ. Իսրայելյանի ղեկավարութեամբ:

Այս չափազրույթիան գիտա-ճարտարապետական ուսումնասիրութեանը դեռևս չկա. իմ աշխատութեան մեջ օգտագործված է Հնրատարակված նյութը, որի օգտագործման համար իմ խնդիրքին Կոմիտեի նախագահութեանը տվի է իր սերավիր թույլտվութեանը:

* * *

Մեկուկես դար Գոշրից առաջ (1045 թ.) Հայաստանը կորցրել էր իր պետականութեանը: Այդ ժամանակամիջոցում միջին-ասիական քոչվոր սելջուկները արհավիրքի նման ներխուժելով երկիրը, կողոպտել, ավերել էին այն և հաստատել էին իրենց ինքնակալութեանը: Սակայն նրանք երկար չեն կարողանում պահպանել իրենց իշխանութեանը. նրանք քայքայվում են և մասնատվում մանր իշխանութեանների: Օգտվելով դրանից, նրանց տիրապետութեան տակ եղած տեղական ժողովուրդները սկսում են կամայկամայ սթափվել և աշխուժանալ: Մրանցից ամենից երջանիկ վիճակում էր Արաստանը, որն իր աշխարհագրական դիրքի շնորհիվ հեռու մնալով ասպատակութեանների անմիջական ոլորտից, կարողացել էր, ճիշտ է, ճնշված և թալանված, բայց պահպանել իր իշխանութեանը և հարմար առիթին ոտքի կանգնել ու ազատագրել իր հայրենիքը օտարի լծից և օգնութեան ձեռք մեկնել իր հարևաններին:

12-րդ դարում Սելջուկյան իշխանութեան թուլացման շրջանում տեղի էին ունեցել նաև խոշոր փոփոխութեաններ երկրի տրնտեսական կյանքում, ուժեղ թափով սկսել էին դարգանալ արհեստը և առևտուրը, որոնց համար սելջուկյան տիրապետութեան ժամանակաշրջանում, անկախ տիրապետողների կամքից, ստեղծվել էր շատ հարմար միջավայր և պայմաններ: Արհեստավորները շնայած դեռևս բազմաթիվ կապերով կապված էին Ֆեոդալական հարաբերութեանների հետ, բայց նրա կյանքում արդեն խոշոր դեր էին խաղում ապրանքը և դրամը: Ընդարձակվել և մեծացել էին առևտրական հարաբերութեանները, զարգացել էր արհեստագործութեանը: Փոխվում էր նաև քաղաքների բնույթը. քաղաքները դուրս էին գալիս Ֆեոդալական պարխայներից, նրանք բազմանում ու հարստանում էին, դառնում բազմամարդ,

քաղմարհետ, մարդաշատ և հարուստ շուկաներով ու խանապարներով:

Առաջանում են նաև նոր տիպի ֆեոդալներ, որոնց իշխանության հիմքում չի դրված այլևս դարավոր ժառանգական իրավունքը, սրանց կյանքում ևս մեծ դեր էր խաղում ապրանքը և դրամը:

Հայաստանում այս նոր տիպի իշխաններից են հյուսիսային Հայաստանի Արծրունիները, Զաքարյանները, Պոռոյանները և ուրիշները:

Ձեռք բերելով տնտեսական մեծ ուժ, այս իշխանները ձգտում էին նաև քաղաքական իշխանության, սակայն հայրենիքում զրկված լինելով այդ հնարավորությունից, նրանք իրենց համար ասպարեղ են փնտրում հարևանների մոտ: Այսպես՝ Արծրունիները և Զաքարյանները խոշոր դեր էին խաղում վրացական արքունիքում: Զաքարյանները վարում են զորքերի գերագույն հրամանատարությունը և աթաբեկությունը: Արծրունիները ունեին ամիրայության պաշտոն և այլն: Սրանք կարողանում էին օգտագործել այդ պաշտոնները հօգուտ իրենց հայրենիքի: Օրինակ Զաքարյանները նվաճելով Հայաստանի զգալի մասը սելջուկներից, այնտեղ հաստատում են իրենց տնտեսական և քաղաքական փաստական իշխանությունը:

Հայոց պատմության այս ժամանակաշրջանի (12-րդ դարի վերջը, 13-րդ դարի սկիզբը) պատմությունը սերտ կերպով կապված է Զաքարյանի տոհմի հետ: Այս տոհմի ներկայացուցիչներն են, որոնք ոչ միայն ազատագրում են թշնամու կողմից գրավված շրջանները, այլև վերականգնում են քարուքանդ եղած տնտեսությունը: Երկիրը խաղաղվում է, սկսվում է շինարարական և ստեղծագործական մի ուժեղ գործունեություն: Կառուցվում և վերակառուցվում են ավերված գյուղերն ու քաղաքները: Հատկապես մեծ թափ է ստանում եկեղեցաշինարարությունը, որոնց մեծապույն մասի մեկենասներն էին հենց իրենք Զաքարյանները:

Հայկական ճարտարապետությունը ուսումնասիրողները¹ այս ժամանակաշրջանը համարում են հայ ճարտարապետության «4-րդ վերածնունդ» և որովհետև կառուցված շենքերի մեծ մասը

¹ Թ. Թարամանյան — Հայկական ճարտարապետություն, Երևան, էջ 99, 1942 թ:

կապված է Ջաքարյանների անվան հետ, ապա և անվանում են «Ջաքարյան վերածնունդ»:

Սակայն Ջաքարյանների այս քաղաքականությունը հանդիպում էր հատկապես հոգևորականության խիստ դիմադրությունը:

Բանն այն է, որ Բագրատունյաց հարստության անկումից հետո և հատկապես սելջուկյան տիրապետության ժամանակաշրջանում, երբ ժողովրդի թե՛ կյանքը և թե՛ ունեցվածքը անընդհատ հարստահարության և ոչնչացման վտանգի տակ է եղել, հոգևորականությունը և վանքերը հանդիսանում էին այն նեցուկը, որոնց վրա հենվում և օգնությունը դիմում էր անպաշտպան ժողովուրդը: Սրա հետևանքով ժամանակի ընթացքում հոգևորականությունը և վանքերը շատ հզորանում էին և հետզհետե իրենց ձեռքն են առնում նաև աշխարհիկ իշխանության որոշ ֆունկցիաներ:

Այսպիսի վանքերից ամենախոշորներն են Հաղբատի եպիսկոպոսանիստ վանքը և Սանահնի վանքը:

12-րդ դարի վերջում աշխարհիկ իշխանության ուժեղացումով պակասում է նաև հոգևորականության նախկին իշխանությունը, որը և մեծ դժգոհություն է առաջացնում նրանց մեջ և ստեղծում է ընդդիմադրություն ընդդեմ զարգացող աշխարհիկ իշխանությունը: Ընդդիմադրությունը հատկապես Ջաքարի ժամանակ մեծ չափերի է հասնում:

Հավագոյն միջոցը, որը կարող էր մտածել Ջաքարեն, դա հաշտության, միմյանց զիջողությունների ճանապարհն էր, սակայն սրա համար անհրաժեշտ էր, որպեսզի Ջաքարեն հենվեր ոչ միայն իր ուժի և հեղինակության, այլև հեղինակավոր և արդեցիկ հոգևորականի և վանքի վրա: Ահա այդպիսին է հանդիսանում Մխիթար Գոշր և նրա հիմնած Նոր Գետիկի վանքը:

ՄԽԻԹԱՐ ԳՈՇՐԻ ԿՅԱՆՔԸ ԵՎ ԳՈՐԾՈՒՆԵՈՒԹՅՈՒՆԸ

Մխիթար Գոշրի կենսագրության մասին քիչ թե՛ շատ մանրամասն տեղեկություններ մեզ տալիս է Կիրակոս Գանձակեցին: Վերջինս հաղորդում է նաև, որ Գոշրի մանրամասն կենսագրությունը դրած ունեի վանական վարդապետը, որը ցավոք մեզ չի հասել: Հավանաբար Կիրակոսն էլ օգտվել է նրանից:

Գանձակեցին իր Պատմության մեջ երկու դլուխներ է նվիրելը Մխիթար Գոշի կյանքին և գործունեությանը:

«Վասն վարդապետին Մխիթարայ թէ ուստի էր և կամ Ռսպիսի ոք»:

«Վասն վախճանի մեծ վարդապետին Մխիթարայ՝ որ Գոշն կոչի»:¹

Մխիթար Գոշի կենսագրությունը կա նաև Հայսմավուրքում մեհեկի Ե-ի կամ փետրվարի ԺԱ «Վարք և պատմութիւն Գոշին՝ Մխիթարայ»:² կազմված է հիմնականում Գանձակեցու Պատմության հիման վրա:

Որոշ տեղեկություններ էլ կարելի է քաղել Մխիթար Գոշի՝ ա. Դատաստանագրքի նախագրությունից³ և

բ. «Մեկնութիւն համառօտ մարգարէութեան Երեմիայի», աշխատությանը⁴ կցված իր հիշատակարաններից:

Մի փոքրիկ տեղեկություն էլ ունի Վարդան վարդապետը՝ Հեռագայում Գոշի գործունեության զանազան բնագավառներն ուսումնասիրելու կապակցութեամբ, կամ միջնադարյան պատմության շարադրության կամ այլ և այլ առիթներով գրված է եղել Մխիթար Գոշի կենսագրությունը, բոլորն էլ հիմք են ունեցել վերոհիշյալ աղբյուրները:⁵

Մխիթար Գոշի ծննդյան թիվը հայտնի չի: Մեզ հավանական է թվում Ոսկյանի ընդունած 1130 թ., քանզի երբ Գան-

¹ Գանձակեցի—Պատմութիւն հայոց:

² Պեա. Մատենադարան, ձեռ. 8147:

³ Մխիթար Դոս—Դատաստանագրքը Հայոց:

⁴ Պեա. Մատ. Ձեռ. № 2606, էջ 233:

⁵ Վարդան Բարձրբերդցի—«Պատմութիւն տիեզերական», էջ 181:

⁶ Եղած մեծածավալ գրականությունից կարևորներն են Չավչեան—«Պատմութիւն Հայոց», հ. Գ.

Հ. Գ. Զարբնամուլեան—«Հայկական հին դպրութեան պատմութիւն», Վենետիկ, 1837, էջ 868—697:

Ալեքան—«Հայապատում», էջ 297, 298, 401—408:

Յումանեան—«Ազգապատում», 1080, 1087, 1092:

Բատամեան—Մխ. Գոշի «Դատաստանագրքը Հայոց» առաջաբան:

Հ. Հ. Ոսկեան—«Մխիթար Գոշ», Հանդես ամսօրյա, 1925, 548—561:

Խ. Սամուելյան—«Հին հայ իրավունքի պատմութիւն», հ. Ա, Երևան, 1939:

Մ. Մարր—Сборник притч Вардана, ч. I, стр. 65—66:

Մ. Աբեղյան—Հայոց հին գրականության պատմութիւն, հ. Բ, 142—158:

ձակեցին 1213 թվին խոսում է նրա վախճանի մասին, գրում է «ալիորեալ և լի առուրք»:

Ծնվել է Գանձակում:

«Հռչակաւորն այն և մեծ իմաստն գիտնականութեամբ՝ էր ի քաղաքէն Գանձակայ...»¹

Գանձակը 12—13-րդ դարերում կովկասի խոշոր առևտրական կենտրոններից էր. բնակվում էին այնտեղ և մահմեդականներ և քրիստոնյաներ, սակայն այս հանգամանքը չէր խանգարում քաղաքի ներքին հաշտ ու համերաշխ կյանքին: Երկու աղգերն էլ ապրում էին միասնական տնտեսական և կուլտուրական կյանքով, վերջինիս աալով միայն իրենց հատուկ կրոնական երանգավորումը:

Գանձակը թե այժմյան ադրբեջանցիների և թե հայերի պատմական անցյալում խաղացել է խոշոր դեր:

Մխիթարը պատմագրության մեջ հայտնի է երեք մակահունով. Գոշատացի է դեմքի մաղերը ուշ բոլանելու և քիչ լինելու հետեվանքով. այդ կոչումը ամենատարածվածը և ընդունվածն է: Հանդիպում է նաև Գանձակեցի և Գետիկցի: Այս վերջին երկուսը համեմատաբար շատ քիչ են հայտնի:

Մխիթարի ծնողների և ընտանիքի մասին մենք շատ աղոտ տվյալներ ունենք: Գանձակեցին գրում է.

«...քրիստոնեայ ծնողաց զաւակ, որք ետուն զնա յուսումն Գրոց սրբոց»:²

Այստեղից և իմանում ենք, որ Մխիթարը մանուկ հասակից ուսման է տրվել և հավանաբար նվիրվել է վանքին, որովհետև երիտասարդ հասակում նա արդեն կուսակրոն է դառնում:

«...եւ իբրև եհաս նա յարբունս հասակի, ձեռնադրեցին զնա քահանայ կուսակրոն»:³

Երիտասարդ կուսակրոն քահանան եղել է շատ ուսումնասեր և ջանասեր: Ստանալով քահանայություն, նա շարունակում է իր ուսումը:

«Եւ պաշտեալ զքահանայութիւնն յոլով ամս՝ ցանկացաւ հմուտ լինել Գրոց սրբոց, և առակաց խորոց՝ որ կան ի նոսա»:⁴

¹ Կ. Գանձակեցի, էջ 95.

² Նույնը:

³ Նույնը:

⁴ Նույնը:

Այնուհետև աշակերտում է ժամանակի նշանավոր ուսուցիչ Հովհաննես Տավուշեցուն: Տավուշեցին եղել է ժամանակի նշանավոր քարոզիչներից, նա իր քարոզները կարդում էր շրջելով տեղից տեղ: Այս շրջագայությունների ժամանակ սկսում է նրան ուղեկցել նաև Մխիթար Գոշը:

Տավուշեցու մասին Չամչյանը գրում է.

«Յաւուրս սորա (Ն. Լամբրոնացու.) մանաւանդ, թէ փոքր մի յառաջ ի ժամանակս Շնորհալոյն երևելի եղև սրբութեամբ վարուց ի մեծն Հայս վարդապետ ոմն Յովհաննէս կոչեցեալ ի Տաւուշայ: Սա յառաջն էր յաշխարհական կարգի և ի մեռանիլ ամուսնոյ իւրոյ հրաժարեալ յաշխարհէ դնայ յանապատ, և յետ բազում ճգնութեամբ վարելոյ զկեանս իւր էջ յանապատէ և սկսաւ շրջիլ քաղաքէ ի քաղաք և քարոզել զուղղութիւն վարուց: Եւ զի զոր քարոզէրն գործովք ցուցանէր, բանք նորա ազդու լինէին յոյժ առ ամենեսին»:¹

Բացի Տավուշեցուց, Մխիթարը անշուշտ աշակերտել է նաև ուրիշներին. վերջիններիս անունները մեզ անհայտ են:

Դեռևս երիտասարդ հասակում Գոշը ստանում է վարդապետություն և ինքնուրույն քարոզելու իրավունք: Սակայն երիտասարդ վարդապետը չբավարարվելով սրանով և ցանկանալով էլ ավելի խորացնել իր գիտությունը ու նոր գիտելիքներ ձեռք բերել, ճանապարհվում է Կիլիկիայի նշանավոր Սև լեռան դպրոցը:

Չամչյանը այս դեպքը դնում է 1163 թ.: Այս թվականի աղբյուրը մեզ համար անհայտ է, բայց թվում է հավանական:

Կիլիկիան այդ ժամանակ այն բախտավոր երկիրն էր, որտեղ Բագրատունյաց թագավորության անկումից մեկ ու կես դար հետո նորից գլուխ էր բարձրացնում հայկական անկախ իշխանությունը, հանձին Ռուբինյան իշխանության:

Կիլիկիան իր աշխարհագրական դիրքի հետևանքով գտնվում էր տնտեսական և քաղաքական նոր ոլորտի կենտրոնում: Մի կողմից դեպի Կիլիկիա էին գալիս խաչակիրները, մյուս կողմից եվրոպացի առևտրականներ, որոնք իրենց ճանապարհի վրա ապահով ապաստան էին գտնում քրիստոնյա իշխանության հարկի տակ: Այս ուժերի շփման հետևանքով շատ զարգանում էին տեղական առևտուրը և արհեստները: Տնտեսական նոր ուժի ազ-

¹ Չամչյան, հ. Գ., էջ 95:

«Եւ ելեալ նմա ծանօթ, սիրեցաւ ի նմանէ իբրև զհայր»
գրում է Գոշի և Քուրդի բարեկամութեան մասին Գանձա-
կեցին։¹

Մխիթար Գոշի և Քուրդի հանդիպումը տեղի է ունեցել
Քուրդի առաջին քցորի ժամանակ, այսինքն մինչև 1177 թիվը։

Կարինից Մխիթարը ուղևորվում է Գանձակ, Վերադառ-
նալուն պես, նրա հուշակը տարածվում է երկրում և նրա շուրջն
են հավաքվում բազմաթիվ աշակերտներ։

«Եւ յետ այսորիկ դարձաւ նա յաշխարհ իւր, և ել համբաւ
իմաստութեան նորա ընդ ամենայն աշխարհս, և բազումք աշա-
կերտէին նմա յուսումն վարդապետութեան»։²

Սակայն շուտով Մխիթարը ստիպված է լինում հեռանալ
Գանձակից։ Աղվանից Ստեփաննոս 2-րդ կաթողիկոսի հորդորան-
քով նա տեղափոխվում է Սաչեն՝ Վախտանդ Հաթիւրցի³ լշխա-

տոմակիցների հետ մասնակցել է վրաց արքունիքում ծագած մի շարք դա-
վաբուրժյունների, երբեմն մասնակիցների, երբեմն ճնշողների շարքում։ Սրա
հետևանքով Գեորգի 3-րդ թագավորի կողմից երկու անգամ արստրվել է հայ-
րենիքից 1156 և 1177 թվականներին։

Առաջին անգամ 1156 թվի քցորի ժամանակ նա իր կղերայինների հետ
ապստամբում է Կարինում իրենց բարեկամ Կարինի էմիր Ալ-Մալիկ Սալիկի
(1153—1156) մոտ։ Սրանից ստանում է հյուրընկալութուն և կալվածքներ։

Թամար թագուհին դա՛ն բարձրանալուց հետո 1185 թ. Ամիր Քուրդը
վերջնականապես ազատվում է արստրից, վերադարձվում են նրա կալվածքնե-
րը, պաշտոնը և նշանակվում է արքունիքում նացվալ մեծելուխուցեսի (դան-
ձագեաի օգնական, Ֆինանսների վիցե-մինիստր)։ Իր այս փառքի մեջ նա
մտում է մինչև մահը (1190), Հայկական աղբյուրներում սա հայտնի է որպես
Մահկանաբերդի և Կայնաբերդի տեր, վրացական աղբյուրներում՝ Աբդուլ Հա-
սան։ Վրացական մի արձանագրութուն նրան նույնպես է Երեսնամյաց
էրեսթավ, Քարթլիի ամիրայայ ամիրայի Ռուսթավի և յոթը մթիուլեթի
պատրոն Աբլլ Հասան։

Սա հայտնի է նաև որպես խոշոր անաթրական, որը կապեր է ունեցել
ոչ միայն սելջուկների, այլ նաև Հյուսիսային Կովկասի և Ռուսաստանի հետ
(Անդրեյ Բոգոլյուբսկու հետ)։

Վախճանվել է 1190 թվին։ Թաղված է իրենց տոմական գերեզմանա-
տանը՝ Հաղբատա վանքի զավթում։

Նրա լրիվ անունը և տիպոսները ըստ Ս. Ներսիսյանի հետևյալն են՝
Երեսնամյաց էրեսթավ, Քարթլիի ամիրայայ ամիրայի, Ռուսթավի և
յոթը մթիուլեթի պատրոն նացվալ մեծելուխուցեսի Քուրդ Աբդուլ-Հասան
Արժրունի։

¹ Գանձակեցի, 97։

² Նույնը։

³ Վախտանդի կինը Քուրդ Արժրունու դուստրն էր։

նի մտաւ Այնուհետեւ մենք նրան հանդիպում ենք Դասնո անապատի Հոռոմաշեն վանքում, որտեղ նա 1184 թ. կազմում է Հայոց առաջին աշխարհիկ օրենքների ժողովածու՝ Դատաստանագրքի նախադրութիւնը և ապա ձեռնարկում է նաև բուն Դատաստանագրքի կազմելուն: Դատաստանագիրքը¹ Մխիթար Գոշի ամենամեծ գործն է: Առաջին անգամ այդքան ժամանակածիջոցում դրի էին առնվում և օրինակացվում էին ժողովրդական օրենքները:

Դատաստանագիրքը կազմված է 3 մասից.

Նախադրութիւն, եկեղեցական կանոններ և աշխարհիկ օրենքներ:

Նախադրութիւնը մի դիտական տրակտատ է, կազմված 11 գլխից և մի փոքր հիշատակարանից: Այստեղ ամփոփված են Գոշի և նրա ժամանակի իրավաբանական հայացքները:

Մխիթար Գոշը մանրամասն բացատրում է այն բոլոր հանգամանքները, որի հետևանքով ինքն անհրաժեշտ է գտնում օրենքների ժողովածու կազմել: Մեկ առ մեկ թվում է իր օգտագործած բոլոր աղբյուրները: Բննարկում է մանրամասն դատական պրոցեսը, որի ժամանակ պահանջում է արդարագատութիւն և ազնվութիւն: Դատավորից և դատական պաշտոնյաներից պահանջում է բարոյական մեծ հատկութիւններ և այլն:

Օրենսգիրքն ունի 354 հոդված, որից 124-ը եկեղեցական կանոններ, իսկ 130-ը՝ աշխարհիկ օրենքներ:

Մխիթար Գոշի Դատաստանագիրքը ոչ միայն առաջինն է, որ մեր ձեռքն է հասել հայ ժողովրդի պատմութեան մեջ, այլ կարելի է ասել, եզել է միակը, քանի որ նրանից հետո եղած դատաստանագրքերը հիմնականում կրկնում են Մխիթար Գոշին:

Այս Դատաստանագիրքը անցել է պատմական շատ հետաքրքրական ճանապարհ: Հայաստանից հայ գաղթականների հետ նա տեղափոխվել է Արիմ, Ռուսաստան, Լեհաստան, օգտագործվել է հարևան Վրաստանում: Հասնելով մինչև 19-րդ դարը, իր որոշ հոգվածներով մասնակցել է նաև ռուսական, «СВОД ЗАКОНОВ» ժողովածուին: Այսպիսով նրա ճանապարհը 12-րդ դարից մինչև 19-րդ դարը Հայաստան, Վրաստան, Կիլիկիա, Ռուսաստան

¹ Մխիթար Գոշ.— Դատաստանագիրք Հայոց, հրատ. Բաստամյանի, 1880, Վաղարշապատ:

տան, Դրիմ, Լեհաստան և բոլոր այն երկրները, որտեղ բնակուելու են հաստատել հայ գաղթականները¹

Ամիր Գուրգի 1185 թ. Կարինից վերադառնալուց հետո Մխիթարը թողնում է Դասնո անապատը և տեղափոխվում է Կայինո գավառ, ուր հաստատվում է Գետիկ վանքում, որտեղ վանահայր էր նրա աշակերտ Սարկավագ վարդապետը։ Այս վանքում եղած ժամանակամիջոցում նա գրել է «Մեկնութիւն համառօտ մարգարէութեան Երեմիայի»² աշխատութունը, որը հիշատակարանի համաձայն, գրված է մեկ տարվա ընթացքում և ավարտած՝ 1188 թ.

«...և զի սկիզբն արարք այսմ իրողութեան ի թուակահնիս Հայոց Ուջ (1187) և կատարեցաք զինի միոյ ամի»³

Այնուհետև երկրաշարժի հետևանքով հիմնահատակ կործանվում է Գետիկի վանքը։ Մխիթար Գոշը թույլ չի ապրիս վանքի շուրջը բնակվող գյուղացիներին ցրվել, իսկ ինքը վանքի միաբանների հետ միասին Գուրգ Արծրունու միջնորդութամբ դիմում է Զաքարե և Իվանե իշխաններին խնդրելով տրամադրել իրենց նոր տեղամաս վանք կառուցելու համար։

Զաքարյան իշխանները սիրով հարգում են այդ խնդիրը և այդ նպատակի համար հատկացնում են Տանձուտայ ձորը։

Հավանաբար հենց այս ժամանակից Զաքարեն Մխիթար Գոշին դարձնում է իրեն խոստովանահայր և սկսվում է նրանց բարեկամութունը։ Համաձայն Գանձակեցու և Աստվածածին եկեղեցու արձանագրության (№ 1) վանքի տաճարի կառուցումը սկսվում է 1191 թ. և ավարտվում է հինգ տարի հետո։

«...Եւ կատարի յամս Ե ի խանգար զատկին Յունաց» (արձ. № 1),

Հիշատակված «խանգար զատկիլ» (ծնադատիկ) տեղի է ունեցել 1197 թ., երբ լուսավորչական եկեղեցու զատկի տոնը մեկ շաբաթ ետ է ընկել քաղկեդոնականից։ Այս կապակցութամբ

¹ Եվրոպական, ուսական և հայկական գիտնականների կողմից բազմիցս ուսումնասիրված է Մ. Գոշի Դատաստանադիրքը և ընդհանրապես հայ իրավունքի պատմութունը ուսումնասիրողների և ուսումնասիրութունների մանրամասն բիրիոգրաֆիան ունի Յ. Սամուելյանը՝ «Հայ իրավունքի պատմութունը» իր աշխատության առաջին հատորում։

² Պեա. Մատ. ձեռ. № 2606.

³ Նույնը, էջ 233 ա.

մեծ վիճարանություններն են տեղի ունեցել քաղկեդոնականներին և լուսավորչականներին միջև՝ Կ. Պոլսում, Կիլիկիայում¹ և Վրաստանում:

Թիֆլիսում տեղի է ունեցել նույնիսկ ընդհարում:² Վիճարանությանը ստիպված են լինում խառնվել նաև քաղաքական իշխանությունները: Մասնակցել են վեճին նաև ժամանակի նշանավոր անձնավորությունները: Այս կապակցությամբ է գրքված Մխիթար Գոշրի «Թուղթը»:³ Սա հավանաբար Գանձակեցու հիշատակած «Գիրք մի յայտարարութիւն ուղղափառութեան հաւատոյ ընդդէմ ամենայն հերձուածողաց, ի խնդրոյ մեծ շօրավարին Ջաքարէին և Կղար իւրոյ»⁴ աշխատությունն է:

Պետ. Մատ. № 8147 ձեռագ. Մխիթար Գոշրի Վարքի համաձայն Աստվածածին եկեղեցու շինության ավարտումից հետո (որը այստեղ զրված է 1196 թվին), Մխիթարը ճանապարհավորում է Երուսաղեմ:⁵

¹ Զամչյան—«Պատմութիւն Հայոց», 5. Գ, էջ 161.

² Այս մասին մանրամասն տես՝ Մ. Меликсет-Бекоев — О междоусобии в Тифлисе в 1197 году по поводу кривой пачхи», ИЗКИАИ, т. III. 1925.

³ «Թուղթ» Մխիթարայ վարդապետի որ Գոշն կոչւիւր» Արարատ, 1900-1901 թ.

⁴ Գանձակեցի, էջ 209:

⁵ Այս ճանապարհորդության կապակցությամբ բերված է հետևյալ ավանդությունը, որը Գոշ գյուղի բնակչության մոտ պահպանված է մինչև հիմա Պետ. Մատենադարան, ձեռագիր № 8147:

Մեհեկի Ծ և փեարվարի ՓԱ վարք և պատմութիւն Գոշին Մխիթարայ:

Վարքը կազմված է Գանձակեցու Պատմության հիման վրա և զույցն հալառակը, տվյալ Վարքը հիմք է հանդիսացել Գանձակեցու Պատմության համար: Վարքում ավելացված է մի ավանդություն, որը պահպանված է մինչև հիմա և պատմվում է Գոշականքի շրջակա գյուղերում:

Ս. Աստվածածնի գմբեթանաբկ Եկեղեցին կառուցվելուց հետո Մխիթար Գոշը Ոմեկ (1196 թ.) ցանկանում է մեկնել Երուսաղեմ նախքան մեկնումը զննում է վանքը, աղոթում է երկար և իր բաղձամարդ միաբանությունը հանձնում է Աստվածածնի խնամքին: Երուսաղեմում մեկ տարի մնալուց հետո վերադառնում է: Ահանա լճի մոտ նրան դիմավորում են նոր Գետիկի միաբանները և հայտնում են, որ նրա բացակայության ժամանակ սաստիկ սով է եղել, որին զոհ է դնացել միաբանության կեսը, Լսելով այդ մասին Մխիթարն առանձնանում է և մի ժայռի մեջ աղոթում է Քրիստոսին խնդրելով դատապարտել Տիրամորը, որն անտեսելով իր խնդրը, չի կանխել սուկալի սովը, որին և զոհ են դնացել բաղձաթիվ միաբաններ:

Քրիստոսը լսում է Գոշի աղանչանքը, Երևնային զորքերով բաղձաթիվ մի բանակ է ուղարկում ձապտոթիկ (Ջբխու) գյուղի դաշտը և երկու հրեշ-

Մխիթար Գոշը մեզ հայտնի է նաև որպես առակագիր: Նա հայ զբաղանդավոր մեջ առաջին առակագիրներեց է: Նրա առակներեց մեզ հասել են 190: Աղբյուրն է՝ ժողովուրդը, Աստվածաշունչը և որոշ մասեր ստեղծագործել է ինքը:

Առակներն արտացոլում են ժամանակի պատմական, քաղաքական, սնտեսական միջավայրը: Վառ կերպով դրսևորում են Գոշի հասարակական, քաղաքական, բարոյական հայացքները:

Մխիթար Գոշը վախճանվել է 1213 թվին,² «ալևորեալ և լի աւուրբք»:³

Գանձակեցին մի հատուկ գլխում, որը կոչվում է «Վասն վարդապետին վախճանի մեծին Մխիթարայ՝ որ Գոշն կոչի» պատմում է նրա կյանքի վերջին տարիների պատմությունը: Մանվանից

առակների միջոցով առ ինքն է կանչում Մխիթարին: Քրիստոսի հետ երկար խոսակցությունն անենալուց հետո, սրա պահանջով նորից կրկնելով մեղադրանքը Տիրամոր հասցեին, պահանջում է արդար դատաստան: Քրիստոսը իբ պատվիրակի միջոցով առլիս է Մխիթարին փոքրիկ սկուսակ երեք նշխարքով և փոքրիկ սնվածուկ լի բաժակով: Եվ հրամայելով ըմպել բաժակի պարունակելին, հայտնում է. «ուր և հասանին սոքա (սբրությունները) ոչ լինի սով երկրին, այլ ոչ մարեաի, և ոչ թռթու, և ոչ մուկն, և ոչ մահ և այլն...» Գոշը երեսը դարձնում է՝ բաժակի պարունակությունը ըմպելու համար, ես դատարարով տեսնում է, որ տեսիլները անհայտացել են, փառք է տալիս տիրոջը և վերցնելով սբրությունները, գնում է աշակերտների մոտ:

Հասնելով Նոր Գետիկ, ըստրից զաղտնի նա սուրբ նշանը տանում է և գնում շտեմարանում և վերցնելով ողջ միաբանությունը մտնում է տաճար ադաթիլու: Պատարագից հետո կարգադրում է միաբաններին, որոնք քիչ առաջ նշխարքի այլուր անդամ չէին կտրոզ գտնել, գնալ շտեմարան և հավաքված ժողովրդի համար կերակուր պատրաստել Ի դարմանա ըստրի, այլուրի շատությունից շանարանի դուռն անհնար է լինում բացել և ստիպված են լինում տանիքից հանել այլուրը:

Եվ այսպիսով վերջանում է սովը և լիություն է ընկնում աշխարհում:

¹ Առակների ուսումնասիրություններից կարեորներն են.

ա) *Н. Марр*—Сборник притч Вардана, т. I.

բ) Մ. Աբեղյան—«Հայոց միջնադարյան առակները և սոցիալական հարաբերությունները նրանց մեջ», «Նյութեր հին Հայաստանի պատմության», Երևան, 1935 թ:

² Գանձակեցի՝ էջ, 207—209.

³ Վարդան Բարձրբրդի—«Պատմութիւն տիեզերական», Մոսկվա, 1861, էջ 184:

«Եւ զկնի միոյ ամի (1213) կատարեցաւ սուրբ և սքանչելի այրն Աստուծոյ վարդապետն Մխիթար վերակոչեց և այլն Գոշ»:

առաջ նա մի կտակ է գրում, որի համաձայն Ջաքարյան եղբայրների խնամակալությանն է հանձնում վանքը:

Թագված է նոր Գետիկում: Նրա գերեզմանը սկսած Գանձակեցու ժամանակներից և մինչև հիմա պահպանվում է որպես արքատեղի: Նրա հողին բուժիչ և ամոքիչ հատկություններ են վերագրում:

Նրա անձնավորության շուրջը հյուսվել են ավանդություններ (որոնցից մեկը մեջ է բերված վերևում): Այդպիսի առասպելներից մեկը պահպանված է Գանձակեցու մոտ:

«Գիեպ եղև երբհմն՝ զի պաշտօնեայք նորա (Մխիթար Գոշի, Ն. Զ.) զային գրաստօք՝ բարձեալ գինի ի պետս վանիցն: Վրացի ոմն, Բասիլիա անուն, եկեալ՝ բռնութեամբ կամէր առնուլ ի նոցանէ ի գինեոյ անաթ զի գործակալ էր նա Իւանէի ի վերայ մայրոյն՝ որ պահէր գտեղի ի ջեւանի նորա. և պաշտօնեայքն ասնն ցնա, մի նեղեր զմեզ, քանզի Գոշին կեք. զի այսպէս կոչէին զնա մականուամբ. Իսկ թշուառականն անարգեաց զնոսա և զԳոշն հայհոյութեամբ. և իբրև եկն յայն տեղի՝ որ յիշէր զանունն նորա ձաղանօք, անգէն վաղվաղակի համբացաւ, և կապեցաւ լեզու նորա, և այնպէս եկաց զբազում աւուրս, մինչև հառայանօք խնդրեաց թողութիւն»:¹

Մխիթար Գոշը մեզ թողել է հարուստ գրական ժառանգություն: Այդ մասին Գանձակեցին գրում է.

«Եւ եթող նա յիշատակ և արձան գերեզմանի գիրս մտախորհս յօգուտ ուսունեամիրայ համարօտ մարգարէութեանն Երեմիայի գեղեցկաղբը կարգօք. և սուղ ինչ կանոնս վասն սպասաւորելոյ մարմնոյ և արեան Տեառն, թէ որպես պատշաճ իցէ, կամ որպիսի կարգօք և գիրք մի ողբք ի վերայ բնութեանս ի դիմաց Աղամայ առ որդիս նորա, և ի դիմաց Եւայի առ զստերս նորա և զիրք մի՝ յայտարարութիւն ուղղափառութեան հաւատոյ ընդդէմ ամենայն հերձուածողաց, ի խնդրոյ մեծ զօրավարին Ջաքարէի և եղբոր իւրոյ, և այլ թուղթս խրատականս»:²

Մխիթար Գոշի անունով պահպանված են.

1. Դատաստանագիրք Հայոց, հրատարակված է հանդերձ

¹ Գանձակեցի, էջ 208.

² Նույնը:

ժանօթութեամբք և առաջաբանօք Վահան վարդապետ Բաստամ-
հանց, Վաղարշապատ, 1880 թ.:

2. Առակներ, հրատարակված Վենետիկ, 1790 թ., 1842,
1854. աշխարհաբար թարգմանությամբ՝ Խորէն քահանայի Միր-
զաբեգեանց, 1878, Բաքու:

3. «Կաթողիկոսք և դեպք Աղուանից աշխարհին». սա կցված է
է եղել Դատաստանագրքի ձեռագիր օրինակին, հրատարակված է
Ալիշան — «Հայապատու», էջ 384:

4. «Ներքողական ասացեալ ի նոր վկայն կոչեցեալն Խոս-
րով», Արարատ, 1896, Հավելված, նաև Հայոց նոր վկաները,
հ. Ա, 1825:

5. «Մեկնութիւն համառօտ մարգարէութեան Երեմիայի»,
ձեռագիր, Մատենադարան, հ. 2606:

6. «Թուղթ Մխիթարայ վարդապետի որ Գոշն կոչուբ», Արա-
րատ, 1900, 1901 թ.:

7. մի շարք աղոթքներ և քարոզներ:

Մատենադարանում Գոշի անունով կա պահպանված 57 ձե-
ռագիր, որոնցից 4-ը՝ 12-րդ դարի, երեքը՝ 13-րդ դարի, 10-ը՝
14-րդ դարի և այլն:

Այդ ձեռագրերից 25-ը Դատաստանագիրքն է:

Մխիթար Գոշն իր դարաշրջանի նշանավոր գործիչներից
մեկն է:

Այսպիսով գալիս ենք այն եզրակացության, որ Մխիթար-
Գոշի գործունեության բնագավառները բազմապիսի են՝ դատաս-
տանագիրք, առակները, աղոթքները, երիտասարդության բարո-
յախոսական ուսուցում: Բացի այդ, նա կարևոր դեր է կատարել
նաև երկրի քաղաքական կյանքում: Նա մեկն է ժամանակի-
այն փոքրածիր հոգևորականներից, որոնք դիտակցում էին աշ-
խարհիկ իշխանության ուժը, կենտրոնացած իշխանության նշա-
նակությունը հայ ժողովրդի համար: Նա աշխատում էր ամեն
կերպ թե խորհուրդներով և թե գործունեությամբ աշակցել այդ
իշխանության դարդացման և ամբաստնողման գործին, և օժան-
դակել երկրի միասնության գործին:

Մխիթար Գոշի անվան հետ է կապված նաև նրա հիմնա-
դրած Նոր Գետիկի վանքը, որտեղ նա անց է կացրել իր կյան-
քի վերջին տարիները:

ՆՈՐ ԳԵՏԻԿԻ ՎԱՆՔԸ

Մխիթար Գոշը երկրաշարժից կործանված Գետկավանքի փոխարեն Զարարյաններից Տանձուտա ձորը ստանալով՝ ձեռնարկում է նոր վանքի կառուցմանը:

Վանքի հիմնադրման ժամանակը հավանաբար 1188 թվականն է, քանզի գեոևս 1187-ին գոյություն ունեւր Հին Գետիկի վանքը:¹

Առաջին հերթին կառուցվում է փայտակերտ մի եկեղեցի «յանուն սուրբ Լուսաւորչին Կրիգորի»² Հանդիսավոր օծում են վանքը և հին վանքի հիշատակին անվանում են Նոր Գետիկ: Հանդեսին ներկա է լինում մեծ բազմություն: Կիրակոսն առանձնապէս նշում է Հաղարծնի առաջնորդ Պաշատուր Տարոնացուն:³

Այնուհետև կառուցվում է նաև մի փոքր եկեղեցի՝ սբ. Կարապետ անունով:

«Ծինեցին ի Նորն Գետիկ ևս փոքրագոյն եկեղեցի մի յանուն սուրբ Կարապետին Յովհաննու ի գլուխ վանիցն»:⁴

Այս եկեղեցու հետքերն այժմ չկան, ոմանք այս անվան տակ փորձում են տեսնել զավթին կից գողտրիկ եկեղեցին, որը, ինչպէս հետագայում կտեսնենք, բոլորովին այլ է:

Հետևյալ և ամենամեծ շինությունը Նոր Գետիկում Աստվածածնի տաճարն է, որը համաձայն արձանագրության և Գանձակեցու տեղեկության, սկսվել է կառուցվել 1191 թվին:

Աստվածածին եկեղեցու արևելյան պատի հյուսիսային խորանի ձախատի արձանագրությունը.

¹ Համաձայն Պետ. Մատենադարանի ձեռ. Ձ 2606 հիշատակարանի:

² Գանձակեցի, էջ 199:

³ Գանձակեցի իր գրքի 199 էջում Տարոնացու մասին գրում է.

«... այր սուրբ և սուաքինի, և գիտութեամբ հուշակեալ, մանաւանդ երաժրտական արուեստիւս ... Սա եքեր զխազն ի կողմանս յարևելից զանմարմին եղանակն ի մարմին ամել, զարդարեալսն յիմաստնոց, որ ցայն ժամանակս և էր սփռեալ ընդ աշխարհս: Պաշատուր Տարոնացու մի շարք շարականներից նշանավորն է «Սորհուրդ խորհին» շարականը: Հաղարծնի վանքը հատկապէս Տարոնացու օրոք մեծ հուշակ է ստանում:

⁴ Գանձակեցի, էջ 200:

1. Ի ՈՅ(640=1191) զկնի Գ ամաց առնլո
զԵրուսաղեմ Սալահադինին
2. սկսեալ եկեղեցիս Սուրբս Ի Նորս Գեորգի եւ
կատարի
3. յամս Ե Ի խանգար գատկին յունաց ձեռամբ
4. վարդապետին Մխիթարա Ի հայրութեան վարդանա
ձեռնառութեամբ բարեպա-
5. աշտ իշխանի վախտանգա եւ նորին զուգակցի
Աբազունի
6. աթուհի եւ նորին եղբարցն Սմպատա վասակա
նոյ-
7. զնա Գրիգոր[ոգր]իսի ե(ւ) նոցին զավակացն
լիցի նոցա պա-
8. տարագ յեկեղեցիս Ի տաւնի Աստուածածնին
յ Գ ասու-
9. րսն բայց զ Ա. Հասան ա հաւր վախտանգա
եւ զ Ա. մաւ-
10. ր նոցին Մամին եւ Բ հաւր Արզուխաթունի
11. Քրդին բարեպաշտին անխափան, գտէր
12. Գրիգորէս յիշեցէք Ի Քրիստոս (արձ. № 1):

Այս մասին Գանձակեցին գրում է.


«Եւ ապա սկսան հիմնարկել մեծափառ եկեղեցւոյն կոփածոյ վիմօք և զեղեցկաշէն արուեստիւ գմբեթայարկ, երկնանման, սխրալի տեսողաց, սկսեալ Ի ՈՅ թուակա- նին Հայոց զկնի չորս ամաց առնլոյ զԵրուսաղեմ Սա- լահատնին, և կատարի յամս հինգ Ի խանկար գատկին՝ Յունաց»¹

Ինչպէս դժվար չէ նկատել, Գանձակեցին կրկնում է արձա- նագրութեան բառերը, որը և փաստորեն զրված է տեղեկու- թեան հիմքում:

¹ Գանձակեցի, 200:

Այսպիսով եկեղեցու շինարարությունը տևել է 5 տարի և ավարտվել է «ի խանգարղատկին յունաց», որը տեղի է ունեցել 1197 թվին:¹

Սևանի «Հայսավուրբ»-ի² մեջ զիտեղված Մխիթար Գոշր վարքում եկեղեցու ավարտման թիվը գրված է 1196 թ.: Հավանական է, որ շինարարությունը սկսվել է 1191 թվի վերջին և ավարտվել 1196 թվի վերջին, իսկ նրա օժման հանդեսը տեղի է ունեցել 1197 թ. շփոթած դատակի տոնակատարության օրը:



Նկ. 2. Վանքի ընդհանուր տեսքը հյուսիս-արևելքից

Աստվածածնի տաճարը աննշան խախտումներով կանգուն է ֆնացել մինչև հիմա: Սա մի քառանկյունի հատակագիծ ունեցող եկեղեցի է, կառուցված սրբատաշ քարերից: Չորս որմնասյուների հենվող կամարների վրա բարձրացող գմբեթով: Արևելյան պատի աջ և ձախ կողմում տեղավորված են երկհարկ խորանները: Վերին հարկի խորանների մուտքը բեմի վրայից է: Ունի երկու դուռ՝ հյուսիսից և արևմուտքից: Զարդարանք-

¹ Л. Меликсет-Бекоев—«О междуособице в Тифлисе в 1197 г. по поводу кривой пасхи», ИзКИАИ, т. III, 1925.

² Գեա, Մատեն. ձեռագիր № 8147:

ները քիչ են և անշուք: Հոյակապ է միայն դրսից դմբեթի վրայի շուրջանակի հյուսված քավոր դոտին:

Տաճարի երկարությունն է 14,82 մետր, լայնությունը 3,78: Պատերը ներսից պատված են բազմաթիվ արձանազրություններով:

Այսպիսի շինքի կառուցումը 5 տարում հնարավոր էր նյութական մեծ միջոցների գոյության դեպքում:

Համաձայն արձանագրության, տաճարի շինարարությանն օգնել են ժամանակի անվանի և փողատեր իշխանները, Վախթանգ Հաթերքցին, և նրա եղբայրները՝ Սմբատ, Գրիգոր, Վասակ, Խոյզան, Գրիգորիս: Գանձակեցին սրանց թվում ավելացնում է նաև Վախթանգի կնոջ Արզուխաթունի եղբայրներին, այսինքն Գոշի լավ բարեկամ Բուրդ իշխանի որդիներին՝ Դավթին և Սաղունին:

«...ձեռնտութեամբ Վախթանկայ Խոչնեցւոյ՝ տեսնոյ

Հաթերքոյ, և եղբարց իւրոց՝ Գրիգորոյ և Գրիգորիսի և Խոյզանայ և Վասակայ, և այլոց իշխանաց բարեպաշտաց որդւոց Բրթին Դաւթի և Սաղունին»:¹

Ինչպես տեսնում ենք, տաճարի շինությանը օգնում են Մ. Գոշի հին բարեկամները՝ Վախթանգ Հաթերքցին (Բուրդի փեսան), որի տիրապետության տակ եղած Դասնո անապատում Մխիթարը գրել էր իր Դատաստանադիրքը, նրա եղբայրները և Բուրդ Արծրունու որդիները (Բուրդն այդ ժամանակ վախճանված էր):

Այնուհետև Գանձակեցին գրում է, որ Վախթանգի կինը, Արզուխաթունը՝ իր գուտարների հետ վանքի համար գործում են մի գեղեցիկ վարագույր «զարմանալի տեսողաց», այժի փափուկ մազից գունավոր և սքանչելի աշխատությամբ:

Ինչպես և ընդունված էր, կատարվում է տաճարի հանդիսավոր օծումը, որին ներկա են լինում մեծ թվով հյուրեր, որոնց թվում առանձնապես նշվում է Հաղբատի Հովհաննես կախկոպուրը:

Տաճարի կառուցումից հետո Մխիթար Գոշը ձեռնարկում է եկեղեցու կից գավթի շինարարությանը: Այս գործում նրան օգնում են Զաքարև և Իվանե իշխանները:

«Շինեցաւ և գաւիթ եկեղեցւոյն գեղազարդ և կոփա-

¹ Գանձակեցի, 203:

ծոյ վիժօք: Յոլով ձեռնատու եղին միժ պօրավարքն Ձա-
քարէ և եղբայրն իւր Իւանէն:¹

Գավիթը արտաքուստ բավական անշուք շինք է, ներսից հակառակը՝ հոյակապ, չորս սյունների և որմնասյունների վրա բարձ-
րանում է կամարակապ տանիքը, որի կենտրոնում գետեղված է լուսամուտը:

Գավթի երկարութիւնն է 12,41 մետր, լայնութիւնը 13,55: Կառուցված է տաճարին կից, բայց բոլորովին անկախ ներսից: Ունի երկու մուտք, հյուսիսից և արևմուտքից սալա-
հատակ է: Արևելյան որմի մեջ երկու կողմից կան երկհարկանի խորաններ. գավթի հատակը տաճարի հատակից պելլի ցածր է: Արևելյան որմին կից է ցածր սրբատաշ քարերից շինած պատ-
վանդան, որի վրա կան փոքրիկ սյունազարդ կամարներ: Ունի երեք լուսամուտ, մեկը հարավային պատի վրա, երկուսը արևմտյան:

Այս գավիթը Ն. Տոկարսկին համարում է այդ տիպի կա-
ռուցութիւնների մեջ հնագույն ներկայացուցիչներից մեկը:²

Այնուհետև Մխիթարը վանքի գիմացի սարալանջի վրա կառուցում է իրեն համար բնակարան: Նրա մոտ շինում է մի փոքր փայտակերտ մատուռ՝ «Յանուն սբ. Հոգու», և ուր 1213 թ., համաձայն իր կտակի, թաղվում է Մխիթար Գոշր:

Մխ. Գոշր բնակարանի հետքերն անգամ այժմ գոյութիւն չունեն: Սբ. Հոգու մատուռից էլ մնացիլ են շատ չնչին հետքեր: Փայտակերտ մատուռը ժամանակի ընթացքում կործանվել է: Մեր ժամանակներում փորձել են վերականգնել այն հասարակ քարերից կոպիտ շարվածքի միջոցով (հավանաբար ուխտավոր-
ների կողմից):

1208 թվին Աստվածածին եկեղեցու հարավային պատին կից կառուցվում են երկու փոքրիկ մատուռներ սրբատաշ քարերով:

«Շինեցին և այլ մատուռնս յանուն սրբոց առաքե-
լոցն և սրբոյն Հռիփսիմեայ»:³

Հ. Սպենդիարյանն իր «Մխիթար Գոշրի վանքը»⁴ հոդվածում,

¹ Գանձակեցի, 204.

² Н. Токарский—Архитектура древней Армении, стр. 250.

³ Գանձակեցի, 204.

⁴ «Մշակ», 1911 թ.:

այս մատուռները անվանում է գրադարան, սակայն գրանք այնքան փոքր են, որ գրադարան լինել չէին կարող: Մատուռներից մեկի մուտքի՝ ճակատի արձանագրությունը հայտնի է գործնում, որ գրանցից մեկը Գանձակեցու հիշատակած ս. Հոփփսիմյանց մատուռն է, կողքինն էլ հավանաբար՝ Առաքելոցը:

«Սուրբ Հոփփսիմէ ի թւինն ՌԾԵ (657—1208)

Շինեցաք զեկեղեցիս . . . (արձ. № 15):

Մ. Վ. Բարխուդարյանը ս. Հոփփսիմյանց մատուռը համարում է վանքի դիմացի լանջի վրա գտնվող մատուռը,¹ մինչդեռ, ինչպես հետո կտեսնենք, նա ունի 1251 թիվը կրող շինարարական արձանագրություն. նրա մասին հիշատակություն ունի նաև Գանձակեցին:

Ահա այս շենքերն են, որոնք կառուցվել են Գոշի կենդանության ժամանակ:

Այստեղ մեծ գիտնականը և ուսուցիչը հիմնում է իր վանք-դպրոցը, որը կարճ ժամանակամիջոցում դառնում է հյուսիսային Հայաստանի հոգևոր և մտավոր կարևոր կենտրոններից մեկը:

Մխիթար Գոշի մահվանից հետո չի գաղարում Նոր Գետիկի ոչ մտավոր և ոչ էլ շինարարական կյանքը: Մխիթարի աշակերտները մինչև 13-րդ դարի վերջը պահում են վանքի հոգակը: Գանձակեցին իր Պատմության «Վասն որք յետ նորա կալան առաջնորդութիւն»² գլխում խոսում է Գոշի մահվանից հետո Նոր Գետիկի կյանքի մասին: Նա հատուկ գովասանքով է խոսում Մարտիրոս վանահոր վրա, որին, ինչպես տեսանք, վանահայր էր նշանակել Մխ. Գոշը զեռ իր կենդանության ժամանակ: Մարտիրոսը իր այդ պաշտոնում մնացել է 40 տարի (1212—1252 թ.թ.):

Գանձակեցին հատկապես շիշտում է Մարտիրոս վարդապետի Նոր Գետիկում կասարած շինարարական աշխատանքը և անվանում է նրան «այր շինարար»:

Թվարկելով նրա կատարած գործերը Գանձակեցին, գրում է.

«Շինեաց և այլ ժամատուն անտաշ վիմօք մածուցեալ կրով հաստատեհոյս որմօք, փայտակերտ վերնա-

¹ Արցախ: Նույնը կրկնվում է նաև Դիլիջանի շրջանի ուղիցույց արձում, էջ 18:

² Գանձակեցի, էջ 209:

յարկօք, որ յետ ժամանակաց փլաւ վերնայարկն: Շինեաց
և՛ զբատուն մի գեղեցկաշէն յարկօք...»¹

Սկսենք վերջինից: Գրատունը ամբողջութեամբ պահպան-
ված է: Գտնվում է Աստվածածին եկեղեցու հյուսիսային կող-
մում, միացված է գավթին՝ հետագայում կառուցված կամարա-
կապ միջանցքով: Արտաքնապես կառուցված է հսկայական ան-
տաշ քարերից: Ներսից՝ հղկած չորս կամարների և 8 կիսասյու-
ների վրա հենված է կոնաձև վերևը երդիկով տանիքը, հոյա-
կապ և գեղեցիկ են մշակված կամարները: Պատերի մեջ շինված
են պատուհաններ, հավանաբար սրանք պահարաններ են գրքերի
համար: Գրատան շենքի կառուցվածքը նույնն է հայկական
գյուղական տան հաղարաշին կառուցվածքի հետ, տարբեր է
միայն նյութը. փայտը տվյալ դեպքում փոխարինված է քարով:

Գրատան շենքը ենթարկվել է հետագայում մի քանի ան-
գամ փոփոխությունների, բոլորովին կորցնելով իր նախկին
տեսքը և նշանակությունը: Գրականություն մեջ երբեմն անվան-
վում է տապանատուն,² մառանատուն:³

Իրականում գրատունը ժամանակի ընթացքում վեր է ած-
վել եռհարկանի զանգակատան: Այդ մասին մենք իմանում ենք
նույն այդ շենքի 2-րդ հարկի արձանագրությունից (տես-
արձ. 17):

Կամաւ ամենակալ

ին Աստուծոյ ի թվին հայոց ՉԽ (740 — 1291)

• • • • • մեք թ եղբ

արքս Դասապետ վարդապետ եւ Կարապետ եղաք

հիմն ի վերա եղեալ հիմանս

եւ շինեցաք զանկակատուն եւ եկեղեցի յանուն

սբ. հրեշտակապետացն Գաբրիէլի եւ Միքայէլի...

Չանգակատան վերակառուցումն ունեցել է երկու էտապ,
որի պարզ պատկերը մեզ տալիս է ճարտարապետական մանրա-
զնին հետազոտությունը: Առաջին էտապը, երբ մեզ համար ան-

¹ Նույնը:

² Մ. Վ. Բարխուդարյանց—Արցախ, Թումյան—Գիլիջանի շրջանի ուղեցույց-
ալբոմ, 17:

³ Կիրիկյան—Բնաշխ. բառարան:

հայտ մարդկանց միջոցով, գրատան: կոնաձև գմբեթի գազաթի վրա շինում են հորիզոնական հատակ և բարձրացնում են պատերի երկու շար փոքր որմնասյուներով, որոնք հետագա վերաշինության ժամանակ այլևս չեն շարունակվել և մնացել են որպես հիշատակ անավարտ գործին:

Գրատան գմբեթի և հետագայում շինված երկրորդ հարկի հատակի միջև առաջացած դատարկ տարածությունը գրականության մեջ երբեմն անվանում են գաղտնի հարկ կամ պահեստ¹ Հավանական է, որ այդ հարմար միջնահարկը օգտագործվել է որպես պահեստ թշնամու հարձակումների ժամանակ գրատան ձեռագրերը և վանքի թանկարժեք իրերը պահելու համար, և ոչ թե հատուկ կառուցված է այդ նպատակի համար: Իսկպես նա մի շատ հարմար պահեստ էր, սակայն առաջացած վերակառուցման ժամանակ ճարտարապետական անհրաժեշտությունից:

Զանգակատունը իրականում կազմում է երրորդ հարկը (այժմ քանդված է), իսկ երկրորդ հարկը ինչպես պարզվում է № 17 արձանագրությունից, «Յանուն Միքայէլ և Գարբէէլ հրեշտակապետաց» երկու փոքր բեմեր ունեցող եկեղեցի է:

Իսոնանք Գանձակեցու հիշատակած Մարտիրոս վանահոր կառուցած «մի այլ ժամատանը»:

Հիշյալ գրատան արևմտյան կողմում կա նույնպիսի անտաշ քարերից կառուցված մի քառանկյունի շենք, որից պահպանված են միայն շենքի պատերի ներքին մասերը:

Ամենայն հավանականությամբ այս ավերակը ոչ այլ ինչ է, եթե ոչ մարտիրոսաշեն ժամատունը, որի վերնահարկը, ինչպես տեսանք վերը բերված Գանձակեցու տեղեկությունից, փայտակերտ էր և կործանվել էր հավանաբար դեռևս մոնղոլների առաջին արշավանքի ժամանակ Նոր Գետիկում բռնկված հրդեհից:

Համաձայն գոյություն ունեցող տրադիցիայի, ժամատուն կոչված շենքը, որը նաև գավիթ է կոչվում, պետք է կից լիներ եկեղեցուն, և ոչ միայն կից, այլ նաև հաղորդակից: Սակայն ինչպես մենք տեսնում ենք, Նոր Գետիկի այս ժամատունը կից է ոչ թե եկեղեցուն, այլ գրատանը: Ոմանք այս ավերակը համարում են սեղանատան² մնացորդներ, ոմանք ընթերցասրահ՝

1 Մ. Վ. Բարխուդարյանց—Արցախ, Էփրիկյան—Բնաշխարհիկ բառարան:

2 Նույնը, և Ուղեցույց—ալբոմ:

գրատան կից,¹ Առաջին ևնթադրությունը չունի ոչ մի հիմք, իսկ երկրորդը չափազանց սահմանափակ է միջնադարյան վանքի պայմանների համար:

Այստեղ աչքի է զարնում մի դուռ տեղական հանգամանք, որն առիթ է տալիս ավելի խոր մտածելու տվյալ ժամատան և ընդհանրապես ժամատների նշանակութայն մասին: Այդ հանգամանքը շենքի շինարարութայն արվեստն է, որը շատ նման է գրատան շինարարական արվեստին և բողոքովին տարբեր վանքի եղեղեցիների և անգամ մատուռների արվեստից: Այսինքն կառուցված է հսկայական չնդկված քարերից:

Գրատունն իր բնույթով մի աշխարհիկ նշանակություն ունեցող շինք է վանքում: Այստեղից անկամա միտք էր ծագում արդյոք նույնպիսի աշխարհիկ բնույթի շենք չէ՞ր նրա արևմտյան կողմում գտնվող նույն շինարարական արվեստով կառուցված շենքը, որին Գանձակեցին ժամատուն է անվանում:

Ավելորդ չէ նաև այստեղ ավելացնել Գանձակեցու այն նախադասությունը,² որը հաջորդում է գրատան և ժամատան կառուցման վերաբերյալ նախադասությանը՝

«Եւ բաղում եղբարք ժողովեցան վանն հոչականուն տեղոյն, և բաղմաց եղև տեղի սննդեան և ուսման եւ մեք իսկ սնեալ և ուսեալ եղաք ի նոյն վանս»:³

Արդյոք այս խոսքերը չէ՞ն վերաբերում հատկապես այն երկու շենքերին, որտեղ և տեղի էր ունենում ուսուցման պրոցեսը: Գրատան այդ նշանակությունը ապացուցելու կարիք չունի, կասկած է հարուցում ժամացունը, որը մինք սովոր ենք պատկերացնել որպես մի սրահ կից եկեղեցուն, ուր մարդիկ հավաքվում էին ժամասացութայն ժամանակ, որտեղ թաղվում էին նշանավոր իշխանները, հոգևորականները և այլն:

Այժմ անհրաժեշտ է մի փոքր շեղվել բուն նյութից և տեսնել թե ինչ է նշանակում ժամատունը և ինչ էր այն իրենից ներկայացնում հնադույն ժամանակներից սկսած:

«Ժամատուն—տուն առնթեր եկեղեցւոյ և սեփակ սննայնմ»։ Հայկազյան բառարան:

¹ Н. Токарский, указ. соч., стр. 248.

² Գանձակեցի, էջ 209:

Մալխասյանի Բացատրական բառարանում գրված է հետևյալը.

Ժամատուն—եկեղեցու մոտ շինված և նրան պատկանող տուն: Պատարագիչ քահանան ժամատանն էր գիշերում: Էջմիածնի նվիրակը եկավ ժամատանը իջևանեց:

Հին նշանակությամբ—այն տունը, որտեղ ննջեցյալի հիշատակին հողու հաց են բաժանում:—Քաջքերի ժամատուն դարձնել, այսինքն դեերի բնակարան դարձնել: Այսպիսով, նշանակում է ժամատունը եկեղեցու մոտ (ոչ անպայման կից) կառուցված, նրան պատկանող տուն է, որտեղ գիշերում է պատարագիչ քահանան, իջևանում է նվիրակը, բնակարան:

Ժամատան բառի վերոհիշյալ նշանակությամբ, այսինքն որպես մի շենք եկեղեցու հետ կապված ամենահին նշանակությամբ հանդիպում է Հովհաննես Դրասխանակերտցու մոտ Եզր կաթողիկոսի կողմից Գայաննի վանքը վերաշինելու կապակցությամբ.

«Իսկ ապա հայրապետն Եզր զվկայարան սբրոյն Գայաննայ, զոր երբեմն խրթին և մթին էր զնա շինեալ, քակեալ զայն, ևս ընդարձակազոյն և պայծառազոյն զնա շինեաց, կոփածոյ քարամբք և կրով ձուլելով, և արտաքուստ յարդարէր կայանս բնակութեան քահանայական դասուց ի պաշտօն աստուածային խորանին: Այս ելև սկիզբն ժամատուն շինելոյ մինչև ցայս ոչ երեւիք ի Հայս»¹

Թ. Թորամանյանը այս խնդրի ուսումնասիրությանը ունի նվիրած մի չափազանց հետաքրքրական հոդված «Դավիթ և ժամատուն հայոց հնագույն եկեղեցիներուն մեջ»² խորագրով: Այդ հոդվածում հեղինակը ամենայն մանրամասնությամբ և բարեխղճությամբ ճարտարապետական առանձնահատկությունների, հարևան ժողովուրդների սովորությունների և եկեղեցական կանոնների ուսումնասիրության հիման վրա աշխատում է պարզաբանել այդ շենքերի, այսինքն ժամատաների և դավիթների դերը

¹ Պատմութիւն Յովհաննու կաթողիկոսի, Երուսաղեմ, 1843, էջ 56:

² Թ. Թորամանյան—«Ենթեր հայկական ճարտարապետության պատմության», էջ 147:

Ա նշանակութիւնը: Նրան հաջողվում է պարզել, որ նախքան 7-րդ դարը պատարագիչ քահանաներին թուլյատրվում էր գիշերել եկեղեցու ներսում, որը սակայն 7-րդ դարում արգելվում է և համաձայն Դրասխանակերացու վերոնշխարհ վկայութեան այս նպատակով սկսում են կառուցել առանձին շենքեր, որոնք կոչվում են ժամատուն:

«Ժամատուն 7-րդ դարու քահանաների ընակարան կնշանակեր, եկեղեցուց դուրս ազատ շինված... Փոքր ասիական հայաբնակ դավառներումն մեջ տակավին կշարունակվի այս շինութեան սովորութիւնը և ժամատուն, խուց, մասնատուն, մատաղատուն և այլ անուններ կտրվեն անորը»:¹

Այնուհետև զարգացնելով իր այս հոդվածը, նրա մեջ առնելով դավիթների ծագման և զարգացման պատմութիւնը, Թորամանյանն այնուամենայնիվ անավարտ է թողնում այս խնդրի լուծումը և գեռ ավելին, հարց է առաջ քաշում պարզաբանելու ժամատուն և դավիթ տերմինների ակնհայտ շփոթութեան պատճառը և ժամանակը:

«Այժմ կմնա գիտենալ, թե ինչու համար հայոց եկեղեցիներուն կից սրահներուն ժամանատուն և դավիթ իրարմէ տարբեր անուններ անխտիր գործածեր են և երբ է սկսել այդ անխտիր գործածութիւնը»:²

Այս խնդրի պարզաբանման համար հետևենք այդ շինքերի զարգացման պրոցեսին: Դրա համար անհրաժեշտ է վերհիշել պատմական այն միջավայրը, որտեղ պետք է իր հետագա զարգացումն ապրեին վանքի ներսում նոր ծագած ժամատները:

7-րդ դարի կեսից սկսում են արաբական արշավանքները: Հրի և սրի է ենթարկվում ժողովուրդը և նրա բոլոր տեսակի իրավունքները: Մահից և գերութիւնից ազատված ժողովուրդը ենթարկվում է օտար տիրակալութեան դժման ճնշմանը: Այդ արհավիրքներից այլ և այլ քաղաքական պատճառներով որոշ չափով զերծ էր մնացել եկեղեցին: Օգտվելով իր արտոնյալ վիճակից, նա գնալով էլ ավելի էր իրեն ենթարկում ժողովրդի քարոյական և հոգևոր կուլտուրան: Հոգևորականութեան ձեռքին

¹ Նույնը, էջ 165:

² Նույնը, էջ 147:

է կուտակվում դատը, դատաստանը, ուսուցումը: Նա էր հանգիստանում միջնորդ ժողովրդի և օտար տիրակալության միջև: Այս մեծ և ընդարձակ պարտականությունները կատարելու համար հողերականությանն անհրաժեշտ էր ունենալ նաև որոշ հարմարություններ, այսինքն ուսուցման, դատական պրոցեսի, զանազան հավաքների և ժողովների համար անհրաժեշտ էր ունենալ եկեղեցուց բացի նաև մի այլ շենք: Ահա այստեղ է, որ ստեղծվում են պայմաններ ժամատան հետագա զարգացման համար:

7-րդ դարի ժամատան, այսինքն վանքի միակ աշխարհիկ շենքի ֆունկցիան գնալով ընդարձակվում է. նա զաղարում է միայն բնակարան լինելուց և վեր է անցնում թե լսարանի, թե դատարանի—ատյանի, թե ժողովարանի և այլն: Շուտով ժամատաները դառնում են անհրաժեշտություն քիչ թե շատ նշանակալից վանքի կոմպլեքսում: Այս շենքերը կրկնում են հայկական գյուղական հազարաշեն տան ճարտարապետությունը, այսինքն ունեն չորս սյունների կամ ութ որմնասյունների վրա բարձրացող կոնաձև տանիք, որի կենտրոնում տեղավորվում են լուսամուտ—երդիկը: Այս շենքերի վերնահարկը վաղ շրջանում կառուցվում էր փայտից (ինչպես նաև գյուղական տունը):

Ինչպես վերը նշեցինք, համաձայն որոշ տրագիցիայի, որն իր սկիզբն է առնում միջնադարից, եկեղեցու կից շենքերը կոչվում են և ժամատուն և գավիթ: Մենք քննեցինք առաջին անվան ծագումը մինչև որոշ ժամանակաշրջան: Այժմ քննենք նաև գավիթ անվան նշանակութունը, ծագումը և զարգացումը: Եվ նոր փորձենք բացատրել այդ երկու տերմինների շփոթության պատճառները:

Գավիթ—բակ տան և ապարանից և տաճարին և այլն.

գավիթ տանն արքունի... (Հայկազյան բառարան):

Թե գրաբարում և թե աշխարհաբարում գավիթ բառը գործ է անվում միևնույն նշանակությամբ, այսինքն նախասրահ, որն անհրաժեշտորեն կառուցվում է յուրաքանչյուր տան մուտքի առաջ, չինքն դա շինականի տուն, թե արքայական պալատ:

Այսպիսի նախասրահները կառուցվում էին դեռևս հնագույն ժամանակներից նաև եկեղեցու մուտքի մոտ, երբեմն միայն արևմտյան մուտքի, երբեմն շուրջանակի (Օձուն): Սրանք բաց կողմերով, կամարակապ սյուներից կազմված սրահներ էին: Այս տիպի գավիթները չափազանց տարածված են քրիստոնեական

եկեղեցիները շինարարութեան մեջ և կոչվում են Nartex, притвор և այլն:

Թ. Թորամանյանը ապացուցում է, որ հայկական եկեղեցիների մեծագույն մասը մինչև 10-րդ դարը ունեցել է նման դավիթ:

11-րդ դարից սկսած և հատկապես 12—13-րդ դարերում հայկական եկեղեցական ճարտարապետութեան մեջ մենք հանդիպում ենք այնպիսի փոփոխութեան, երբ վերանում են նախկին փոքր քայքայվածները և սկսում են կառուցվել նոր մեծ ընդարձակ սյունազարդ սրահներ, որոնք և կոչվում են երկու տարբեր անուններով՝ ժամատուն և դավիթ: Այս շինքերը կից լինելով եկեղեցուն, համարյա բոլոր դեպքերում, որպես կանոն կառուցվում էին եկեղեցու շինութեանից հետո, երբեմն անմիջապես, երբեմն էլ տասնյակ տարիներ անց: Սրանք իրենց ճարտարապետական ոճով շատ նման են դուրզական հազարաշին շինքին և ժամատանը, քայքայված են շատ լավ հղկված և մշակված քարից և գեղեցիկ քանդակազարդված են, հատկապես սյունները և կոնսոլները:

Ի՞նչ էր այս երևույթի պատճառը:

Ռոնք էին այն հանգամանքները, որոնք առաջացրին այս նոր երևույթը:

Ստիպված ենք նորից մի փոքր ակնարկ դրել պատմական ժամանակաշրջանի և քաղաքական դեպքերի վրա:

11—12-րդ դարերում Հայաստանում նորից ստեղծվել էր քաղաքական և սոցիալական այնպիսի դրութեան, երբ քաղաքական ուժեղ իշխանութեան քայակայութեան պայմաններում նորից հզորացրել էր եկեղեցու իշխանութեանը: Սակայն փոփոխվել էր և այն էլ շատ արագ նաև ժողովրդի սոցիալական վիճակը և մտավոր աշխարհը: Կյանքի նոր պայմաններն էլ ավելի էին առաջ քաշում աշխարհիկ ընույթի պահանջներ: Կարիք է առաջանում ընակչութեան ավելի հաճախակի և բազմամարդ հավաքների. անհրաժեշտութեան է դառնում աշխարհիկ օրինադրութեան և այլն: Պարզ է, որ բնակչութեան բոլոր պահանջները շին, որ հարգվում և իրագործվում էր տիրող իշխանութեան կողմից: Բնական է, որ այդ պատճառով ժողովրդի մաս առաջանում են զժգոնութեաններ, որոնք և ուղղված են լինում եկեղեցու, որպես ամենամեծ Ֆեոդալի և նրա հովանավոր աստծու դեմ (աղանդավորական շարժումներ): Այս բոլոր հավաքները, ժողով-

ները ընական է, որ տեղի էին ունենում գլխավորապես եկեղեցու ներսում և այն էլ նրա կամ ժամատանը կամ դավթում: Գավիթն իր փոքրութեամբ չէր կարող բավարարել ժողովրդի այդ աճող պահանջներին: Ժամատունը նույնպես չէր բավարարում, սակայն այս անգամ ոչ թե ժողովրդին, այլ հոգևորականութեանը և այն էլ ոչ այնքան իր տարածութեամբ, որքան զիրքով: քանզի տվյալ պայմաններում հոգևորականութեանն անհրաժեշտ էր ժողովրդին էլ ավելի պահել ասծո դատաստանի վախի տակ, այնինչ ժամատունը կառուցվում էր առանձին և չէր գտնվում աստծո «անմիջական ազդեցութեան տակ»: Օգտագործել այդ նպատակով եկեղեցին հնարավոր չէր երկու պատճառով՝ որպես աստծո տուն այն չէր կարելի ապականել ոչ հոգևոր գործերով, և երկրորդ նա այլևս չէր բավարարում իր ծավալով նույնիսկ եկեղեցական սրբաբողոքությունների համար:¹

Ահա այս բոլոր հանգամանքները հոգևորականութեանը ստիպում են ժամատունը՝ վանքի միակ աշխարհիկ շենքը, կցել եկեղեցուն: Այսպիսով միևնույն ժամանակ լուծելով երկու խնդիր, առաջինը, որ այս միակ աշխարհիկ շենքը ևս առնել հոգևոր վերահսկողութեան տակ և երկրորդ ընդարձակել եկեղեցու տարածությունը ազդեցությունների համար: Եվ որովհետև նա կառուցվում է նախկին դավիթի փոխարեն և ինքը ևս հանդիսանում է գավիթ, ուստի կոչվում է այդ նոր շենքի երկու բաղադրիչ մասերի անուններով՝ ժամատուն և գավիթ: Ժամանակի ընթացքում պետք էր որ վերանար նրա ժամատուն անունը և մնար միայն գավիթը: Եվ այդպես էլ եղել է, բայց դժբախտաբար ոչ բոլոր աղբյուրներում: Այսպես օրինակ Գանձակեցին երբեք չի շփոթում այն դեպքում, երբ Ստեփան Օրբելյանը շփոթում է:

Այն մասին որ այս նոր ընդարձակ գավիթը ունեցել է նաև աշխարհիկ բնույթ, մենք ունենք բազմաթիվ փաստեր պատմիչների մոտ, իսկ ամենից փայլունը այն արձանագրություններն են, որոնք փորագրվում էին հատկապես գավիթների պատերի վրա: Այսպես օրինակ Հոռոմոսի վանքի գավթի (որ ամենահին օրինակն է) պատին փորագրված է բազմաթիվ արձանագրություններ հարկային և առևտրական արտոնությունների և

¹ Н. Марр—Аня столица древней Армении. Историко-археологический набросок „Братская помощь“, 1898, 210.

այլնի մասին, սրանց հիման վրա Մառը ենթադրում է, որ գավթում ժողովուրդը հավաքվում էր ոչ միայն եկեղեցական պորժների համար, այլ և հասարակական և քաղաքական,¹ այսինքն գավթին օգտադործվում է այն նպատակով, որի համար նախկինում, մեկ երկու դար առաջ, ծառայում էր ժամատունը:

Այսպիսով ժամատան հետագա զարգացումը 12—13-րդ դարերի հոյակապ քարակերտ գավթներն են:

Մակայն բոլոր դեպքերում չէր, որ վերանում էին ժամատները և իրենց տեղը զիջում գավթներին: Որոշ դեպքերում նրանք շարունակում են կառուցվել, անդամ 13-րդ դարում և դա հատկապես մեծ վանք դպրոցներում, որտեղ միայն գավթը և ճեմարանը չէին կարող բավարարել նրանց պահանջներին: Այսպիսի փաստեր մենք ունենք Հաղբատում՝ Համազասպի տունը, Գեղարզում՝ Ռուսուքանի և Պապջանի կառուցած ժամատունը և վերջապես Նոր Գետիկի մարտիրոսաշին ժամատունը, որն ավելի հին է եղել, քան նախորդ երկու օրինակները:

Մարտիրոս վանահոր հետևյալ կառուցումը սբ. Գրիգորի հինգ խորան եկեղեցին է, հավանաբար Մխիթար Գոշի կառուցած փայտակերտ եկեղեցու փոխարեն: Խորեզմի Շահ Ջալալեդդինի արշավանքները առժամանակ կանգնեցնում են շինարարությունը: Եկեղեցին ավարտվում է 1231 թվին ոմն Գրիգորի և նրա եղբայրների կողմից: Այդ մասին մենք հիշատակություն ենք գտնում մուսքի վերնասյամի արձանագրության մեջ (տես № 12):

Այս Գրիգորի մասին հիշատակում է նաև Գանձակեցին, անվանելով նրան Գրիգոր Կապալեցի: Կիրակոսը նշում է նաև, որ հենց սկզբից և եթ եկեղեցու ծախսերը հոգում էր նույն այդ Կապալեցին: Մակայն Գանձակեցու մոտ կա մի շփոթում եկեղեցու ավարտման թիվը նշանակված է 1241 (Ո Ղ), մինչդեռ շատ ավ պահպանված արձանագրության մեջ ՈՁ թիվն է (1231):

Հավանաբար սա Կիրակոս Գանձակեցու ձեռագրի արտագրողների սխալն է՝ Ղ և Ձ գրերի շփոթությունից առաջացած:

Սուրբ Գրիգորի եկեղեցին կառուցված է սրբատաշ քարերից: Հատակագիծը նույնն է, ինչ մայր տաճարինը, բայց ավելի փոքր: Արևելյան կողմում կան երկհարկանի խորաններ: Ունի մեկ մուսք: Դմբեթը եղել է քանդված և վերականգնվել է 1938 թ. Հուլ. Պահպ. Կոմիտեի կողմից: Հարավային պատի վրա

ունի արևի ժամացույց: Մուտքի ձախ կողմի վրա կան խաչքարեր:

Եկեղեցու հրկարությունն է 5,56 մետր, լայնությունը՝ 5,76:

Այս եկեղեցին հետաքրքրական է և մի այլ տեսակետից՝ Եկեղեցու արտաքին տեսքը ոչ մի կասկած չի հարուցում, որ շենքը կառուցված է մի պլանով և բոլոր մասերը միաժամանակ՝ Մակայն խորանների վրա կան կրեք արձանագրություններ (տես № 12, 14, 13), որոնք թվարկում են որոշ անձնավորություններ և նշում են, որ խորանը կառուցված է նրանց միջոցներով:

12. Ծառայն Աստծոյ Գերդ եւ ամու|ս|ին իւր կատայ
եւ զավական նոցին շինեցին իւրեանց ընչիւք
զխորանս...

13. մեք եղբարքս — — — — —
— — — — — զմեր հո
դուոյ արդիւնքս յեկեղեցոյ շի-
նութիւնս տուաք — — — — —

14. Ի տաւնի սուրբ խաչին Ա. աւր պատարագ Թա-
չատուր վարդապետին եւ եղբարց իւրոց եւ ծնո-
ղացն զի նոցա ինչիւք շինեցաւ խորանս

Այսպիսով մի շենքի վրա ստացվում է շինարարական շորս արձանագրություն, որոնցից վերջին երեքը խոսում են միայն խորանների կառուցելու մասին:

Այս տարրերնակ երկույթը ուսումնասիրել է Հ. Ա. Օրբելին իր «О двух терминах в надписях Ани»¹ հոդվածում և տվել է սպառիչ պատասխան:

Անիի պարիսպների արձանագրությունների մեջ նույնպես հանդիպում են նման տիպի արձանագրություններ. հեղինակը

¹ Известия Российской Академии Истории материальной культуры том I, Петроград. 1921.

Ճղրակացնում է, որ Անիի պարիսպները, անկասկած, շինված են միասնական նախագծով և միևնույն ժամանակ, բայց համաձայն գոյություն ունեցող սովորության, հետագայում առանձին բուրգեր կամ պարսպի առանձին հատվածներ վանառվում էին մասնավոր անձանց, որից հետո նրանք նախօրոք տեղավորված հատուկ քարի վրա արձանագրում էին իրենց և իրենց մոտիկներին անունները և անգամ գրում, որ այս բուրգը շինված էր իրենց գումարով: Այս և նման դեպքերում, շինել բառը կորցնում է իրեն իսկական նշանակութունը և նշանակում է միայն գնի վճարում: Այս երևույթը շատ մեծ չափով նկատվում է եկեղեցաշինարարության մեջ:

Ինչպես ցույց է տալիս Հ. Օրբելին Ջուխտակ վանքի օրինակի հիման վրա, հաճախ թվական է ունենում թե հիմնական շինության արձանագրությունը և թե եկեղեցու որևէ մասը, ավելի հաճախ խորաններից մեկը, բայց այդ դեպքում առաջին արձանագրությունը կրում է ավելի հին թվական, քան թե երկրորդը:

Նույն այս երևույթն է նկատվում Նոր Գետիկի սբ. Գրիգորի եկեղեցու խորանների երեք արձանագրությունների և Աստվածածնի № 2 արձանագրության մեջ:

Սակայն չպետք է մոռանալ, որ պատահում են նաև դեպքեր, երբ եկեղեցին կառուցվում է մի խումբ մարդկանց ներդրված միջոցներով, որոնք բոլորն էլ ստանում են իրավունք արձանագրություններում իրենց վերագրել կառուցումը:

Վերոհիշյալ երևույթը ծագում և շատ տարածվում է 10—13-րդ դարերում, այսինքն այն ժամանակ, երբ Հայաստանում սկսում է շատանալ փողատեր մարդկանց թիվը: Իրենց նախնիներից ժառանգելով սեր դեպի հայրենի շինարարությունը, յուրաքանչյուրը ոք ցանկանում էր հնարավորության չափով մասնակցել այդ գործին: Հարուստ փողատերերը կառուցում էին մեծ վանքեր, եկեղեցիներ, իսկ միջակ փողատերերը, որոնք ավելի մեծ թիվ էին կազմում, շինում էին մի բուրգ, խորան, սյուն, խաչքար: Իրանով հնարավորութուն ստանալով արձանագրել և հավերժացնել իրենց և իրենց մոտիկների անունները:

Սա հայրենասիրության մի արտահայտութուն է, որին և պետք է մի կողմից նաև վերագրել պատմական Հայաստանի ճարտարապետական հուշարձանների տարբեր տեսակների այդ-

քան մեծ թիվը: Այս մեծ հայրենասիրութիւնը կանգ չէր առնում պատմական և քաղաքական և ոչ մի արհավիրքի առաջ: Շինարարական արձանագրութիւններում մենք հանդիպում ենք անվանի իշխանների, խոշոր առևտրականների, արհեստավորների և հաճախ նաև կանանց անունների: Սերը դեպի հայրենի շինարարութիւնը բնորոշ էր բոլորին, մեծին և փոքրին, իշխանին և ռամիկին, տղամարդուն և կնոջը:

1232 թվին, այսինքն սբ. Գրիգոր եկեղեցու ավարտման հաջորդ տարին սկսվում է մոնղոլների առաջին արշավանքը դեպի Հայաստան: Կանգ է առնում խաղաղ շինարարական կյանքը: Երկիրը ենթարկվում է սրի և հրի: Մոնղոլների ասպատակութեանը դո՛ր են դառնում Հայաստանի գյուղերն ու քաղաքները: Սպանվում, թալանվում և գերեվարվում է ժողովուրդը, գերութեան են ենթարկվում նաև Նոր Գետիկի միաբանները, Վանական Վարդապետը և Կիրակոս Գանձակեցին: 1236 թվին արշավանքի վերջում գերութիւնից վերադառնում է Գանձակեցին, որը տեսնում է, որ Նոր Գետիկը «...Աւերեալ էր ի նոցանէ և այրեալ շինուածքն»...¹

Սակայն հենց որ մի փոքր հեռանում են դաժան նվաճողների ձիերի սմբակների ձայները, նորից վերսկսվում է շինարարութիւնը Հայաստանում: Վերաշինվում և վերականգնվում է նաև ավերած և այրած Նոր Գետիկը: Հաջորդ 1237 թ. արդեն կառուցվում է մի նոր եկեղեցի, որն իր արվեստով գերազանցում է նախորդներին:

Այս նոր եկեղեցին կոչվում է Նույնպես սբ. Գրիգոր: Առաջինի հետ չգործելու համար սա կանվանենք երկրորդ սբ. Գրիգոր:


Գանձակեցին այս եկեղեցու կառուցումը վերագրում է Գրիգոր Տղա՝ իշխանին:

«Սա (Գրիգոր Տղա իշխանը—Ջ.Ջ.) խնդրեաց յԱւագէն, յորդոյն Իւանէի, զվանքն Գետիկ, իւր տեղի գերեզմանի:

¹ Գանձակեցի, էջ 239.

² Գրիգոր Տղա իշխանը եղել է Իվանե իշխանի որդի Ավագի հեջուբը (սենեկագետ), Վախթանգ Հաթեբեցու թոռը: Գառմուճյան մեջ հայանի է որպես Կայան բերդում պաշարված Ավագի դեսպան, որը Չարմաղանի մոտ է ուղարկվում նրան հայտնելու Ավագի անձնատուր լինելու համաձայնութիւնը: Սրա անունը մի քանի անգամ հիշատակվում է Հոռոմոսի արձանագրութիւններում:

և վասն յոյժ սիրելոյ զնա՝ ետ նմա: Գնեաց գիւղ մի ի նըմանէ Վաշխէ անուն մերձ յԱղստեղ, ետ զախ ի վանքն և այլ բազում արգիւնս, գրեանս և խաչս և անասունս: Շինեաց և հրաշազան եկեղեցի մի երեք-խորան, մերձ ի գաւիթս եկեղեցւոյն, շինուած զարմանակերտ, և անուանեցաւ եկեղեցին յանուն սրբոյն Գրիգորի:²



Նկ. 3. Երկրորդ ս. Գրիգոր եկեղեցու արևմտյան ճակատը

¹ Գառնակեցի, էջ 210:

Աստվածածին եկեղեցու բեմի արձանագրության համաձայն (արձ. հ. 3) այս Գրիգորն իրեն անվանում է «Էկեջուր ամիր սպասալար Ավաղի, որդի Սմպատա, որդւոյ մեծին Վախտանգայ կողմնապետաց աշխարհին Արցախա»¹, այսինքն Նոր Գետիկի հիմնադրմանը օգնող, Մխիթար Գոշի բարեկամ Վախթանգ Հաթեւրքցու թոուր:

Երկրորդ սբ. Գրիգոր եկեղեցին երեք խորան ունեցող քառանկյուն, թաղակապ մի գողտրիկ եկեղեցի է, երկթեք սալահատակված տանիքով, առանց դմբեթի, ներսից և զբսից գեղեցիկ քանդակազարդ: Նշանավոր են նրա մուտքի մտա գտնվող երկու սքանչելի խաչքարերը, որոնցից մեկը գտնվում է նրևանի Պետական Պատմական թանգարանում և հանդիսանում է հայ միջնադարյան քանդակագործության լավագույն նմուշներից մեկը (տես նկ. 5, 6):

Այս եկեղեցին թե իր արտաքին տեսքով, և թե իր նուրբ քանդակներով, խիստ կերպով տարբերվում է վանքի մյուս շենքերից: Ինչպես երևում է թե եկեղեցին շինել ավելի և թե նրա վրա աշխատող վարպետները առանձին սիրով և հոգատարությամբ են վերաբերվել այդ շենքի կառուցման և նրա քանդակադարձման գործին:

Այս հուշարձանը և հատկապես նրա մուտքի խաչքարերը իրենց զարգաքանդակներով ուրույն տեղ ունեն հայկական արվեստի պատմության մեջ: Նրանք կատարելության են հասցնում այն ոճը, որը արվեստագիտության մեջ հայտնի է «Սելջուկյան ոճ» անունով:

Սելջուկյան, այս նեղ անվան տակ պարունակված է արվեստի մի ամբողջ էպոխա, որն իր գոյությունը պահպանելով ամբողջ երկու դար, իր մեջ ընդգրկում է մի հսկայական տարածություն՝ Փոքր Ասիա, Անդրկովկաս, Իրան և Միջին Ասիա:

Այս ոճը ստեղծված է բաղմաթիվ ազգերի, — անկախ նրանց դավանանքից — շանքերի միջոցով: Յուրաքանչյուր երկրում ունենալով իր ուրույն ազգայինը, տեղականը, նա ունի նաև մի ընդհանուր գիծ, որը ստացել է տարբեր ազգերի ու ժողովուրդների ոճերի սինթեզից:²

¹ Գանձակեցի, էջ 210.

² Այս մասին տես Н. Я. Марр «Анн» № 65—70, И. А. Орбели — «Проблема Сельджукского искусства», Труды III Иранского международного конгресса, Москва—Ленинград, 1939.

Հուշարձանի վրա եղել է շինարարութեան արձանագրութիւնն, որը դժբախտաբար շատ վատ է պահպանվել (արձ. 18):

Վերջին շէնքը, որը կառուցվում է Նոր Գետիկում, վանքի զիմացի սարալանջի վրա դտնվող ս. Գեորգի երեք խորան ունեցող եկեղեցին է:

Այս եկեղեցու բնմի արձանագրութիւնից երևում է, որ նա կառուցված է ՉԴ (704—1255 թվին) Սաչատուր վարդապետի և Բարսեղի կողմից:

Այդ մասին Գանձակեցին էլ գրում է.

«...և յութհարիւր երեք թուին¹ Սաչատուր վարդապետն և եղբայր իւր Բարսեղն շինեաց եկեղեցի մի երեք-խորան հանդեպ վանիցն, գմբեթաւոր, յանուն սրբոյն Գէորգեայ»²

Հ.Պ.Գ. Գիւլիջանի շրջանի ուղեցույց արտմում սա համարվում է «սբ. Հոսիփսիմեանց» մատուռը, որը, ինչպես վերը տեսանք, բոլորովին այլ շէնք է:

Մի երեք խորան փոքր, անշուք, գմբեթավոր եկեղեցի է շինարարական միակ արձանագրութիւնով (տես արձ. № 16):

Սրանով ավարտվում է շինարարութիւնը Նոր Գետիկի վանքում:

* * *

Հայաստանի պատմական ճարտարապետական հոյակապ կոթողներ կերտող հանճարեղ վարպետներին բնորոշ է անսահման համեստութիւնը:

Բաղմաթիվ հուշարձանների վրա մեզ հայտնի են հազվադուռ վարպետների անուններ, այն էլ մենք կարող ենք կարգալ քանդակված շէնքի որևէ հեռավոր, մութ անկյունում:


Թերևս Նոր Գետիկն այս կողմից մի քիչ ավելի երջանիկ է, որովհետև նրա վրա պահպանվել են մի քանի վարպետների անուններ:

Նոր Գետիկի շինարարութեան վրա աշխատող վարպետներից ամենանշանավորը Մխիթար հյուսն է. սա եղել է վանքի միա-

¹ Պետք է լինի յութհարիւր չորս թուին:

² Գանձակեցի, 211:

բան և երկար տարիներ աշխատել է վանքի շինարարութեան վրա՝ Գավթի հյուսիսային կամարի վրա կարգում ենք:
 Ես Մխիթար հիւան միայրան և աշխատող
 այս եկեղեցոյ ի մ'անկուլթենէ մինչ ի ծերութիւն
 շինեցի գտունս աղաւթից... (արձ. № 9):



Նկ. 4. Վարպետ Պողոսի արձանագրութեանը խաչքարի քանդակների մեջ

նագրութեանը սբ. Գեորգ մատուռի վրա է քանդակած (№ 16), որտեղ սակայն անուններ չկան:

...Տէր Աստուած ողորմեա... Եւ ամենայն աշխատողացն ի սմա:

Ջանդակատան № 17 արձանագրութեան վերջին տողերը:

«Արդ աղաչեմ զամենայն ժառանգաւորսդ յիշման արժանի արնէք զամենայն աշխատեալսն ի սմա առաւել զԱքիոսն եւ զԳրիգորն:

Եվ վերջապէս չափազանց համեստորեն է հիշված չքնաղ խաչքար քանդակող ՊԱԻՂՈՍԻ անունը, որ գետեղված է խաչքարի զարդաքանդակների հյուսվածքների մեջ:

Հավանաբար այս նույն Պողոս վարպետի ստեղծագործութեան արդյունքն է նաև եկեղեցու պատերի վրայի ներսի և դրսի քանդակները:

* * *

Ավարտելով վանքի շինարարութեան պատմութիւնը, փորձենք արձանագրութիւնների և մատենագրական տեղեկութիւններին հիման վրա հնարավորին չափ վերականգնել նաև վանքի ներքին կյանքը:

Արձանագրութիւնների տվյալներով մենք կարող ենք կազմել նաև Նոր Գետիկի վանքի վանահայրերի մոտավոր ցուցակը:

Հետաքրքրական է մի հանգամանք, որ Գոշն իր վանքում վանահայր չի եղել: Հավանաբար նա եղել է միայն վանքի հոգևոր առաջնորդը, և ուսուցիչը, իսկ մյուս գործերը հանձնված են եղել վանահորը:

Տաճարի կառուցման արձանագրութիւնը (№ 1) հիշատակում է:

«Ձեռամբ վարդապետին Մխիթարա և հայրութեան Վարդանա»:

Այստեղից երևում է ուրեմն, որ նոր հիմնադրվող վանքի առաջին վանահայրն է եղել Վարդանը 1191 թվին:

Գանձակեցին պատմում է, թե Մխիթարը զգալով իր մոտալուռ վախճանը, հավաքում է վանքի միաբանութեանը և իր աշակերտներին, օրհնում և նրանց վանահայր է կարգում իր աշակերտներից լավագույնին՝ Մարտիրոսին:

«...և դմի ոմն ի նոցանէ ընտրեալ, Մարտիրոս անուն նորա, որ աշակերտ և ընտանի էր նմա, կացոյց զնա առաջնորդ նոցա, մանուկ՝ տիօք, բայց կատարեալ իմաստութեամբ, այր քաղցրաձայն յերգս պաշտամանն, և առատամիտ ընթերցող, և երագ ի զըչութիւն. նմա հրամայեաց իշխել նոցա»:¹

Մարտիրոսն այսպիսով դեռ երիտասարդ, վանահայր էր նշանակվել Նոր Գետիկի վանքում: Նա այդ պաշտոնը վարել է 40 տարի: Նրա անվան հետ է կապված վանքի բավական մեծ շինարարութիւնը: Գանձակեցին՝ «Վասն որք յետ նորա (Մխ. Գոշ, Հ.Ձ.) կալան առաջնորդութիւն»² գլխում մեծ գովասանքով է խոսում Մարտիրոսի մասին:

¹ Գանձակեցի, էջ 207.

² Նույնը, էջ 209—211.

«Փառաւորեցաւ վանքն և հռչակեցաւ սուրբ վարդապետին՝ իմաստութեամբ Մարտիրոսի առաջնորդին. քանզի այր շինարար էր»:¹

40 տարուց հետո Մարտիրոսը իր կամքով հեռանում է այդ պաշտոնից, հավանաբար ծերութեան պատճառով:

Իժմախատաբար միայն մի արձանագրություն, այն էլ անթվակիր, հիշատակում է Մարտիրոսի անունը:

«Ի Հայրութեան Մարտիրոսի»

Մարտիրոսին փոխարինում է Մխիթար վարդապետը: Արձանագրություններից մեկում մենք կարդում ենք.

«Ի Հայրութեան Մխիթարա վարդապետի»:

Գանձակեցին վերահիշյալ գլխում գրում է.

«Կալա յետ նորա (Մարտիրոսի Հ.Ձ.). Մխիթար ոմն և այլ սա, և այլ նա, Յովասափն, և այլ սակաւօրեայ, և Աբրահամ վարդապետն»:²

1260 թվի Հով. Արմանեցու արձանագրության մեջ (№ 7), որով նա Գետիկի բնակիչներին ազատագրում է Գոնցա Թաթուհին վճարվելիք հարկից, հիշատակում է

«...Ի Հայրութեան Աբրամի—վարդապետի...»

Նույն գլխի վերջում Գանձակեցին գրում է.

«Եւ ապա տէր Յովհանէս Արմանեցին, որ և Հաղարծնին էր առաջնորդ, ձեռնադրեցաւ եպիսկոպոս ի յութ՞ հարիւր հինգ թուականին: Սա շինեաց ի Հաղարծնն զսեղանատունն երևելի սրբատաշ վիմօք. և ապա գնաց ի մեծ աթոռն Հաղբատ»:³

Պատմիչի այս հիշատակությունը պետք է դնել 1260 թվականից հետո, որովհետև 1260 թ. վանքի վանահայրն էր Աբրահամ վարդապետը, իսկ Արմանեցին այդ ժամանակ ըստ Գանձակեցու արդեն եպիսկոպոս էր և հավանաբար Հաղարծնի առաջ-

¹ Գանձակեցի, էջ 209:

² Նույնը, էջ 210:

³ Պետք է լինի «յաւթ հարիւր»—հալառակ դեպքում կտացվի 1356, այն-ինչ պետք է լինի 1256.

⁴ Գանձակեցի, էջ 211:

նորդ: Նա 1260 թվից հետո միայն կարող էր լինել նաև Նոր Գեորգի վանքահայրը:

Սրանով սպառվում են Գանձակեցու տված տեղեկությունները վանքի առաջնորդների մասին: Նվազում են նաև արձանագրությունների տեղեկությունները:

1273 թ. Նոր Գեորգի վանահայր է եղել Հովսեփը, որին երուսաղեմի № 1288 ձեռագրի գրիչն անվանում է Շամենայնի օրինակ բարեաց վարիւք և բանիւք»:

Ումեկի որդի Ճարի 1283 թվականի արձանագրությունները հիշատակում են վանքի առաջնորդ Ղասաբ վարդապետին:

Վերջին տեղեկությունը գտնում ենք (№ 17) 1291 թ. արձանագրության մեջ, ուր Սարգիս վարդապետ անունով մեկը հիշվում է իբրև վանահայր Նոր Գեորգի:

«Սարգիս վարդապետ հայր վանիցս»:

Սրանով ավարտվում է մեր ունեցած տեղեկությունները վանքի առաջնորդների մասին:

Վերոհիշյալ տեղեկությունների հիման վրա Նոր Գեորգի վանահայրեր են հիշվում հաջորդական կարգով հետևյալ վարդապետները՝ Վարդան վարդապետ—1191—1212 թ.թ., Մարտիրոս վարդապետ 1212—1252 թ.թ., այնուհետև Մխիթար վարդապետ, Հովսեփ վարդապետ, Աբրահամ վարդապետ (1260), Հովնանես Արմանեցի, Հովսեփ վարդապետ, Ղասաբ վարդապետ (1283), Սարգիս վարդապետ (1291):

Այսպիսով մենք հնարավորություն ունենք մեկ դարի ընթացքում թվարկել Նոր Գեորգի առաջնորդները մոտավոր ցուցակը:

Նոր Գեորգի վանքը պատմության մեջ հայտնի է նաև որպես դպրոց, որտեղ սովորել և գործել են հայկական կուլտուրայի նշանավոր գործիչներ:

Դպրոցը հիմնադրել է Մխիթար Գոշր, որը և 20-ից ավելի տարիներ եղել է այդ դպրոցի ղեկավարը: Նրա ուսուցչական համբավը տարածված է եղել ամենուրեք, նրա շուրջն էին համախմբվում տարբեր տեղերից բազմաթիվ աշակերտներ, որոնցից ոմանք նույնիսկ թաքցնելով իրենց վարդապետական կոչումը՝ գալիս էին նրա մոտ նորից սովորելու:

«Բագումը որ էին ի կարգի վարդապետաց ծածկէին զինքեանս և գային ի կարգի աշակերտաց կալով՝ ուսա-

նէին ի նմանէ, և առնուին վերստին հրաման և բազումք յաշակերտաց նորա հասին ի պատիւ վարդապետականն»¹

Նոր Գետիկի վանքը կարճ ժամանակամիջոցում դառնում է նշանավոր կրթական և կուլտուրական կենտրոն:

Գանձակեցին մի հատուկ գլխում թե «ճյք էին որք երեւելիք էին յաշակերտսն նորա»,² գրում է Մխիթար Գոշի աշակերտների մասին:

Պատմիչը հատկապէս նշում է մի քանի աշակերտներին, նախ Հովհաննէս Վանական Վարդապետ Տավուշեցուն³ (որին աշակերտել է ինքը Գանձակեցին): Պատմիչը մեծ գովասանքով է խոսում նրա մասին:

Վանական Վարդապետը ծնվել է 1181 թ. և մահացել 1251 թ.:

Գեղեցիկ է Գանձակեցու տված բնորոշումը նրա մասին.

«Հալածանքի մէջ քաջարի հովիւ եւ տառապանաց մէջ անխոնջ ուսուցիչ»:

Վանականի գլխավոր գործը պետք է լինել նրա մոնղոլների պատուությունը, որը ցավոք սրտի, մեղ չի հասել, նրա այս գործի մասին շատ մեծ գովասանքով գրում է Գանձակեցին: Բացի այս, Վանական վարդապետը հայտնի է նաև մի շարք եկեղեցական աշխատություններով: Նոր Գետիկի վանքում մնացել է նրա գրած արձանագրությունը (№ 19):

«ԶՅՈՂԱՆՆԷՄ ԶՎԱՆԱԿԱՆՆ ՅԱԴԱԻԹՍ ՅԻՇԵՑԵՔ»

Այնուհետև Վանական վարդապետը տեղափոխվում է Գանձասար, կառուցում է Սորանաշատ եկեղեցին, ուր և հիմնում է իր դպրոցը: Այստեղ իր աշակերտների հետ 1232 թվին նա գերի է ընկնում մոնղոլների ձեռքը, որտեղից ազատվում է ժողովրդի կողմից նրա փոխարեն վճարած փրկանքի շնորհիվ:

Գերությունից վերադառնում է նորից Սարանաշատ, որտեղ և 1251 թվին մահանում է:

Ինչպես վերը տեսանք, Մ. Գոշի լավագույն աշակերտներից էր նաև Մարտիրոս վարդապետը, որի շինարարական գործունեության հետ ծանոթացանք վերը:

¹ Գանձակեցի, էջ 205:

² Նույնը, էջ 205—206:

³ Հ. Լ. Ասիեան—«Յոյհաննէս Վանական Վարդապետ, շինողն Ամսօրյա, 1231 թ., Զարհամարիւմ—Վայ դպրութեան պատմութիւն», 730—736, Ալիբան—Հայագատում, 105:

Գանձակեցին հիշատակում է նաև մի քանի աշակերտների անուններ.

Թորոս վարդապետ, Շառաջնոյն Թորոս անունն ի սահմանացն Մեկթահնուոյ Հայոց, հայր նորա Հնչյազն և մայր նորա Ասորի, այր հեղ և խոնարհ առաքելն և աղքատասէր յոյժ, ասպնջնական օտարաց և առատ ի տուրս, որ, զժամանակ կենաց իւրոց բարիքապէս վարեալ ի ծերութիւն պարարտութեան յաւելաւ առ հարս իւր, և կայ թաղեալ ի հուշականուն վանքն Հաղբատ ի գլուխ վանացն ի գերեզմանս եպիսկոպոսացն և վարդապետացն...»¹

Նոր Գետիկի մյուս նշանավոր աշակերտն է մեզ ծանօթ Կիրակոս Գանձակեցին:

Սրա մասին կենսագրական տեղեկութիւններ կարելի է քաղել իր պատմութեան տարրեր գլուխներից: Ծնվել է Գանձակում 1201 թվին, մահացել է 1272 թ.: Կյանքի մեծագոյն մասը անց է կացրել Նոր Գետիկում: 1232 թվին նա գերի է ընկնում մոնղոլների ձեռքը: Ծվ որովհետև նա տիրապետում էր հայերենին, Պարսկերենին և թուրքերենին, մոնղոլ շորավարները նրան օգտագործում էին որպես քարտուղար և ոչ մի փրկանքով չէին ցանկանում ազատել:

1236 թ. Կիրակոսը փախչում է գերութիւնից և վերադառնում Նոր Գետիկ:

Կիրակոսը եղել է վանքի հեղինակավոր անձնավորութիւններից: Թերևս նա էլ Մխիթարի նման ղեկավարում էր վանքի գլխացի մտավոր կյանքը:

Այսպես, օրինակ, համաձայն № 7 արձանագրութեան, Հովհաննես Արմանեցին ազատում է Նոր Գետիկի ժողովրդին հարկից և ի խնդրոյ Կիրակոս վարդապետին, որը հավանաբար Գանձակեցին պետք է լիներ:

Նոր Գետիկում պահպանված է Կիրակոս Գանձակեցու անվամբ ևս մի արձանագրութիւն, որի համաձայն վարդապետը վանքին է նվիրում 20 դիրք, 40 դահեկան, մեկ շուրջառ և կառուցում է դասեր կոչված բաժանմունքներ եկեղեցում (արձ. № 20):

Գանձակեցին շատ մեծ ծառայութիւն է մատուցել հայ

¹ Գանձակեցի, էջ 205:

պատմաբուժյանը իր «Պատմութիւն Հայոց» աշխատութեամբ։
Նրա պատմութիւնը սկսվում է Գրիգոր Լուսավորչից և հասնում է մինչև 1865 թիվը, հիմնական մասն է կազմում վերջին դարի դեպքերը։

Ի տարբերութիւն միջնադարյան մյուս պատմիչների, նա խրոնիկա չէ, այլ մանրամասն և հանգամանորեն գրված պատմութիւն։ Լեզուն պարզ է և դեղեցիկ։

Այս աշխատութեանը կարևոր է ոչ միայն հայոց պատմութեան համար, այլ և Ադրբեջանի, Միջին Ասիայի և հատկապես մոնղոլների պատմութեան համար։

Այս հանգամանքով է բացատրվում այս գրքի լայն տարածումը։

Գանձակեցին ունեցել է հայերին երեք հրատարակութիւն (Մոսկվա, 1858, Վենետիկ 1865, և Թիֆլիս 1909), ֆրանսերեն լեզվով երկու հրատարակութիւն (առաջինը թարգմանել է Պետերմանը, Բեռլին 1858, երկրորդը Բրոսեն Փարիզ, 1871)։ Քաղվածորեն ուսուցիչն է թարգմանել զանազան հատվածներ Բերովբե Պատկանյանը։

Վիեննայի № 84 ձեռագրում կիրակոսը կոչվում է «կիրակոս ընտրեալ վարդապետ ի մեծահռչակ ուխտէն Գեակայ»։

13-րդ դարի ընթացքում այս դպրոցի սաներն արդեն սկսում են ուրիշ տեղերում հիմնել իրենց դպրոց-վանքերը և էլ ավելի տարածել Նոր Գեաիկի տրադիցիաները։ Այդ ճյուղավորութիւններից ամենից նշանավորն է Գոշի լավագույն աշակերտ Վանական վարդապետի հիմնած վանքը Խորանաշատում։ Այնուհետև Նոր Գեաիկի աշակերտներից հանդիպում են նաև այլ վանքերում։

13-րդ դարի 2-րդ կեսից Նոր Գեաիկը սկսում է թուլանալ, իսկ դարի վերջին բոլորովին դուրս է դալիս ասպարեզից։ Նրա աշակերտները ցրվում են այլ վայրեր և հավատարիմ մնալով իրենց դպրոցին նրանցից շատերը իրենց նույնիսկ Գեաիկցի մականունն են առիւս։ Այսպես օրինակ 1328 թվի Գլածորում գրված ավետարանի գրիչ Դավիթը իրեն անվանում է Գեաիկցի։

Իժմախտաբար Նոր Գեաիկի դպրոցի գործունեութեան և սաների մասին մեզ շատ քիչ տեղեկութիւններ և փաստեր են հասել, եղածներն էլ ոչ միշտ են լրիվ և սպառիչ։ Այնուամենայնիվ ունեցած տեղեկութիւնները բավական են դպրոցի արդյունա-

վես և ետուն գործունեության մասին քիչ թե շատ լրիվ տեղեկություն կազմելու համար:

Թվում էր, որ դպրոցի գեմքը պատկերացնելու համար բավական է նշել նրա ներկայացուցիչներից միայն երեքին՝ Մխիթար Գոշին, Վանական վարդապետին և Կիրակոս Գանձակեցուն, որպեսզի պարզ լինի նրա խոշոր դերը հայկական միջնադարյան կուլտուրայի զարգացման գործում:

Նոր Գեորգին որպես ժամանակի նշանավոր վանք, որը ունեւր դպրոց, ուր մեծ թվով աշակերտներ են սովորել, որտեղ եղել է նաև դրազարան, չէր կարող չծառայել իբրև վայր նաև ձեռագրերի արտագրության համար:

Յավաք սրտի նոր Գեորգիում գրված և արտագրված ձեռագրերից նույնպես մեզ շատ քիչ օրինակներ են հասել:

Առաջին ձեռագիրը մի երկաթագիր նկարազարդ ավետարան է, որը միաժամանակ եղել է Նուխլա Գեոքրուլազ գյուղում:¹ Ձեռագիրը գրված է Թաղրակյան Ջաջուռի դուստր Վանինի իշխանուհու պատվերով 1232 թվին Հավապակի վանքի համար:²

Ձեռագրի էջ 3429-ում հիշատակարանը հետևյալն է.

«Արդ գրեցաւ սա ի թուիս հայոց ՈՁՍ. (681—1232) ի գաւառիս Կոյննոյ ի գերանոչակ ս. ուխտիս Գեորգիայ, ընդ հովանեաւ ս. Ատուածնիս եւ սր. Լուսավորիչս Գրիգորի, ձեռամք մեզապարտ Ստեփանոսի յիշխանութիւն իշխանաց իշխան Աթաբեկ Իւանի և որդւոյ նորա Աւագին, եւ վանս զի Վրաց թագաւոր ոչ դոյր, ունէր զաթուակալութիւնս դուստր Թամարին եւ ի հայրապետութեանն հայոց ար Կոստանդնի եւ յԱղուանից հայրապետութեանն Յովհաննիսի. Արդ աղաչեմ զամենեսեան որք ընթեռնուք կամ ընդաւրինակէք յիշես—

էջ 342բ- ջիք ի տէր Աստուած գ՛րբիստոսասէր պատրոնն զՎանինի դատացող սուրբ մատենիս յիշեսչիք ի Քս, զհայր նորա զբարեպաշտ իշխանն զՋաջուռ եւ զայն սուրբ նախնիսն նորա: Յիշեսչիք իսէր զմեզապարտ գրիչս զՍեփանոս եւ զծնաւդս մեր

Յայսմ ամի եկն ազգն նետողաց եւ զմայրաքաղաքն Գան-

¹ Թե որտեղ է գտնվում նա այժմ, հայտնի չէ, թերև նույն տեղում:

² Թե այս և թե հետևյալ ձեռագրերը հնարավորություն չունենալով անձամբ ուսումնասիրել, տեղեկությունները բազմի եմ Գ. Գ. Հովսեփյանի աշխատություններից. ա) Թաղրականք և Գոշիանք, պր. Ա և հավելված Բ. Շնյութեք և ուսումն. հայ. մշակ. և այլն, պր. Ա:

ձակ հիմն ի վեր արարեալ կոտորեաց զժարդ եւ զանասուն եւ զբաշուծս ի քրիստոնէիցն»:

Մյուս ձեռագիրը գրված 1273 թ. գտնվում է Երուսաղեմում և կրում է 1288 համարը:

Մեզ ծանոթ է միայն նրա հիշատակարանը:

«Յամի եւթն հարիւրերորդի քսաներորդի երկրորդի թուականութեան հայոց, յորում ժամանակի կոուէր: Զուղափառութեամբ ճշմարիտ աթոռակալ լուսաւորիչն մերոյ ար. Յակոբ և յԱղուանից ար. Ստեփաննոս եւ ի տիեզերական լութեան Ապողանին եւ յանիշխանութեան մերոյ աշխարհո, յաթարեկութեան Սաղունին եւ տէրութեան գեղոյս ճարին: Աստանաւը կատարեցաւ տառ մատենիս ի սբ. եւ ի հոչակաւոր վանս Գեաղայ ընդ եւ սբ. Ածածնիս... առ ոտս սբ. եւ վսեմապայծառ վարդապետիս Յովասաբիս, որ է ամենայնիւ, աւրինակ բարեաց վարիւք և բանիւք...»¹ Երեանի Պետական Մատենադարանում կա մի թղթե ձեռագիր № 2606, որը համարվում է գրված Նոր Գեաղիում: Սա Մխիթար Գոշի «Մեկնութիւն համառոտ մարդարեութեան Երեմիայի» աշխատութեանն է: Արտագրված է 1197 թվին, ամփոփված է ուշ ժամանակի կաշեպատ կազմի մեջ: Զարգանկարներ չունի: Երեմիայի մարգարեութեան վերջում գրված է իրեն Մխիթար Գոշի հիշատակարանը, որը կրում է 1187 թվականը և նշում է, թե «Գրեցաւ յանապատիս Գեաղայ»:

Սրանից հետո գալիս է բուն ձեռագրի հիշատակարանը, գրված տաս ասորի հետո, ոմն Դավթի կողմից, որը հավանաբար արտագրել է Գոշի ինքնագիր օրինակից, սակայն որտեղ նշված չէ Մխ. Գոշի հիշած Գեաղիւ. դա հին Գեաղիկն էր, որը սակայն շուտով կործանվում է: Ձեռագրի արտագրման տարին (1198) Մխ. Գոշն արդեն գտնվում էր Նոր Գեաղիում: Կարելի է ենթադրել, որ այս ձեռագիրն արտագրվել է Նոր Գեաղիում, որին երբեմն ուղղակի Գեաղի էլ էին անվանում, սակայն եղած տեղեկութեաններով հաստատել այդ կարծիքը հնարավոր չէ:

* * *

Նոր Գեաղիկի վանքը բավական մեծ կալվածքներ է ունեցել Կալվածքների մի մասը ստացել է վանքը հիմնադրման և

¹ Նույնը:

տոնակատարութեան առթիւ, իսկ մյուս մասը, հետագայում, նվերներէ միջոցով:

Զաքարե և Իվանե իշխանները վասնքի կառուցումն ավարտելուց հետո, բոս Գանձակեցու, նվիրում են.

«...Սահման ջրագարծովք լեռնէ ի լեռոն, և բով մի յԱրասաձոր և զԶորոձոր ի նահանգին Բջնոյ և զԱշաւա ի գլուխ վանացն, Շինեցին և ինքեանք գիւղ մի մերձ ի ծովակն փոքրագոյն անհնարին խորութեամբ, և անուանեցին զգիւղն յանուն ծովակին Տգրկածով... և այլ միւս ևս փոքրագոյն գիւղ ներքոյ վանիցն, զոր Ուռելանջ անուանեցին»:¹

«Սահման ջրագարծովք լեռնէ ի լեռոն», հարկաւոր է հասկանալ, որջ Տանձուտա ձորը, մինչև այժմյան Թարասաչայ կոչված գետը, տալով այս տերիտորիան որպես սեփականություն վանքին:

Հիմնում են երեք գյուղ Ուռելանջ, (որի ավերակները գտնվում են վանքի արևելյան կողմում),² Տգրկածով, վանքի հարավում, որը մինչև հիմա կա և թուրքարնակ է, և Աշան, որի տեղն անհայտ է:

Այս գյուղերում հավանաբար բնակություն են հաստատում Հին Գեորգիի շրջակայքում ապրող այն գյուղացիները, որոնց երկրաչարժիք հետո Գոշը թույլ չէր տվել ցրվելու: Այս գյուղերը, ինչպես կտեսնենք, հարկ էին վճարում Զաքարյաններին:

«Բով մի յԱրասաձոր» Սմբատեանը սա համարում է Դարաչիչակի մոտի հնում եղած պղնձահանքերը (Միսխանա):³

Նույն այս վայրի մասին Ինճիճյանը գրում է. «Բով մի յԱրասաձոր ի սահմանս Բջնոյ որ էր ի Նիգ գաւառ Արարատու»:⁴ Այսինքն նույն Դարաչիչակը:

Այս բովի օգտագործումը վաղուց ի վեր դադարած է:


Վանքի ստացած նվերների չափն ու տեսակները պարզելու ամենալավ աղբյուրը արձանագրություններն են: Արձանա-

¹ Գանձակեցի, էջ 204:

² Բարխուդարեանց—«Արցախ», Բնաշխարհիկ բուսարան:

³ Միքսեանց, «Գեղարքունիք»:

⁴ Ինճիճեան—«Հնախօսութիւն Հայաստանեայց», հ. 2, էջ 182:



Նկ. 5. 13-րդ դարի խաչքար

գրութիւնները բաժանվում են երկու խմբի, մի խումբը, որտեղ մեկ աս մեկ նշում են տված նվերները և փոխարենը պահանջվող համապատասխան հատուցում (պատարագ, ժամ) նվերքատուի և նրա մտակներին հոգու փրկութեան համար: Մյուս տիպի արձանագրութիւնները, որոնք ավելի մեծ թիվ են կազմում, չեն նշում կոնկրետ ինչ նվերներ են տվել, այլ ուղղակի հիշում է հատուցվելիք պատարագի քանակը: Պատարագների քանակի համեմատութեամբ որոշել ստացված նվերները չափը, շատ հաճարձակ և կամայական կարող է լինել, քանի որ հատկացվող պատարագն ամենայն հավանականութեամբ ավելի անհատական մտացում ուներ, քան թե սակագին: Միայն այս տիպի արձանագրութիւնների մեծ թվի հիման վրա պետք է ասել, որ նվերները մեծ չափերի էին հասնում:

Վերցնենք մի քանի արձանագրութիւններ, որոնք նշում են նվերների տեսակները:

Ես Հարբ միտքան Սուրբ Աստուածածին էտու
 զՍաւգատափն ի Չաղացէն ի վերի վանքս և
 ստացա Բ աւր զեկեղեցիքս պատարագ...»
 Թւականին հայոց ՌԿՆ (551—1213) Ես Գոհար
 իաթուես ընդ առաջին միաբանութեան
 Ծոտու զիմ այլին և շինական մի ազատ որ
 Թնագոմս ի սուրբ Աստուածածնիս և
 պարտին յիջման սուրբ հոգւոյն Բ խորան
 պատարագել:» (արձ. № 5):

Կան արձանագրութիւններ էլ, որոնք նշում են, թե ինչ տեսակ նվեր է տալիս, քայք որոշ կերպով չեն գրում իրի անունը և տեղը, օրինակ՝

«եկեղեցւոյս տուաք հաստատ հայրենիք յազգէ...»

Արձանագրութիւնների մի այլ տեսակի մեջ հիշվում է, թե այս կամ այն անձինք միաբանեցին սուրբ ուխտին, առանց նշելու նրանց տված նվերները և ստացան պատարագ: Միաբանելն, իհարկե, հասկացվում է որևէ նվեր տալու մտքով:

Կան արձանագրութիւններ էլ, որոնք միայն պատարագի օրն ու չափն են նշում, օրինակ՝

Ի տաւնին Սուրբոյն Սարգսի Ա.
պատարազ Մխիթարա և Մայրախաթունին է

անկախան

կատարիչքն աւրհնին յԱստուծոյ: (Արձ. № 6):



Նկ. 6. Վարդեա Պողոսի խաչքարը

Արձանագրությունների այս-
խումբը ամենամեծ թիփն է
կազմում:

Այսպիսով վանքը դառնում
է մեծ կալվածատեր. կազմա-
կերպվում է վանական տնտե-
սություն:

Ինչպես հայտնի է, անկախ-
տիրակալ իշխանությունից
միջնադարում եկեղեցին
ազատված էր հարկատվու-
թյունից: Այս արտոնու-
թյունը քիչ բացառությամբ
պահպանվում էր նույնիսկ
վաճառների կողմից: Սա-
կայն հարկից ազատ չէր
վանքի շուրջը բնակվող բնակ-
չությունը: Նրանք հարկ էին
վճարում կամ հրենց հոգևոր
տիրոջը կամ աշխարհիկ իշ-
խանին:

Այսպես, օրինակ, Նոր Գե-
տիկի վանքի շուրջը բնակվող
գյուղացիները, որոնք բնակ-
վում էին վերահիշյալ Տղրկա-
ծով, Ուտեղանջ և Աշավա Զա-
քարյանների հիմնած գյու-
ղերում, հարկ էին վճարում
Զաքարյաններին:

Այդ մասին մենք իմանում ենք 1260 թվականի մի արձա-
նագրությունից, որի համաձայն Հովհաննես Արմանեցին ազա-
տագրում է Գետիկա ժողովրդին Գոնցա խաթունին (Իվանեֆ
որդի Ավագի կինը) վճարվելիք հարկից:

«Աստուծոյ ես տեր Յոխանէս
Արմանեցի ազատ գրեցի զԳեաւկա
ժողովուրդս ի հարկէ որ տալին յաթոսն
յիշխանութեան Գոնցա խաթունին ի խնդրո
կիրակոս վարդապետին...» (արձ. № 7)

13-րդ դարի երկրորդ կեսին, երբ թուլանում է Ջաջարյան-
ների իշխանութունը, Նոր Գևորգը վաճառվում է ժամանակի
նշանավոր վաճառական պարոն Ումեկին, 40.000 կարմիր դու-
կատով:

Այս մասին մենք իմանում ենք Աստվածածին եկեղեցու
բնմի մի մեծ արձանագրությունից: Այս արձանագրությունը
գրված է եղել կարմիր ներկով, բավական մեծ և գեղեցիկ տա-
ռերով, ցավօք սրաի բավական ընդարձակ արձանագրությունից
պահպանվել են միքոյն մի քանի տառեր:

Արձանագրությունը մեջ եմ բերում 19-րդ դարում կատար-
ված արտագրություններից¹

«Յուսով ողորմութեամբ Աստուծոյ ես Ճարս որդի պա-
րոն՝ Ումեկին թոն Ճարին աշխարհաւ Մանձկերտացի, աշ-
խարհակալութեան Ղարա Նուին և թագաւորութեանս Վրաց
Գեմեարի Բաղրատունւոյ, իմ հայրն Ումեկ գենալ էր զԳե-
տիկ, ի Սէ կարմիր դուկատի,² ես Ճարս գնեցի զՅովս իւր
ամէն սահմանօքն ի գաոն ժամանակի, որ հայրենիքն ար-

¹ Հրատարակված է Ջալալեանց հ. Ա, էջ 138. Եսիխարու Անեանց, հ. Բ, էջ 367, Սմբատեանց, էջ 174, Բաբալուգարեանց—«Արցախ», էջ 350, Կ. Կոստանեանց—Վիմական տարգիր»:

² Հովսեփյան—«Նյութեր և ուսումնասիրություններ», պրակ Բ., էջ 31, Գ. Հարությունյան, Ազգ. հանդես, № 10-րդ, էջ 28:

³ Համաձայն արձանագրության պահպանված տողի ոչ թե «պարոն», այլ «պարոնն»: Պարոն նշանակում է հիմնադիր, հովանավոր վանքի, եկեղեցու և իր ստորադրյալ իշխանի համար՝ գերագույն իշխանության. շատ տարածված է 13-րդ դարի վիմական արձանագրություններում:

⁴ Ուշագրության արժանի է «40000» թիվը: Հավանաբար սա մի խորհրդավոր թիվ է, շատ զործածական միջնադարում: Այսպես օրինակ՝ Սահմազնի 1261 թ. արձանագրության համաձայն Մրենի ամրոցի կառուցումը արժեցել է 40000 դուկատ: Այս մասին մանրամասն տես Ի. Մարր—«Новые материалы по армянской эпиграфике», 1. Зап. Вос. Отд. Русск. Арх. Общ. т. VIII, в. I—II ст. 84.

ժան էր և ոսկին թատնգ, ի ի՞նչ կարմիր դուկա տուր Գեուկայ Աստուածածինին իմ հոգւոյ տանս յիշատակ, անջնջելի իմ ծնողացն Ումեկին և Թագուհւոյն, ինձ և իմ որդեացն Արդուի՛նն և իւր եղբարցն: Առաջնորդութեամբ Ղասապ վարդապետի և միաբանքս սահմանեցին զաւագ հինգ շաբաթ աւրն եւ Զատկին աւրն զամէն եկեղեցիքս պատարագ որչափ մեք կենդանի եմք մեր ծնողացն լինի և ետ յելից մերոց յաշխարհէս մեղ լինի: արդ ս՛վ զայս գիւղս հանել ջանայ յայս եկեղեցւոյս, կամ զիմ հիշատակն խափանէ, ո՛վ ոք և իցէ որ լինիցի ի ծննդոցն Աղամայ եղիցի նզովեալ ՉԼԲ (732—1283):

Այս առևտուրը տեղի է ունեցել 1260—1266 թվականներին պարոն Ումեկի և Գոնցա խաթունի միջև: 1266 թ.: Ումեկի մահվան թիֆն է: Առևտուրը չէր կարող տեղի լինել 1260 թվից առաջ, քանի որ համաձայն № 7 արձանագրութեան դեռևս 1260 թ. Գեուկա ժողովուրդը հարկ էր վճարում Գոնցա խաթունին: Այսպիսով սխալ է Գ. և Հովսեփյանի այն կարծիքը, որ իբր թե Ն. Գեուկի վաճառումը տեղի է ունեցել Ավագի և Ումեկի միջև 1242—1250 թվականներին (1250 թ. Ավագի մահվան տարին է): Հավանաբար արժանապատիվ հեղինակին ծանոթ չէ եղել մեր № 7 արձանագրութեանը:

Պարոն Ումեկն¹ 13-րդ դարի մեծանուն առևտրականներից էր. ինքը Մանաղկեղացի էր, ապրում էր Կարինում:² 1242 թ. մոնղոլ զորավար Բաչու Նուխի կողմից Կարինի գրավման ժամանակ Ումեկը քաղաքի մյուս բնակիչները և իր հինգ եղբայրների ու բարեկամների հետ տեղափոխվում է Թիֆլիս: Հաստատվելով Թիֆլիսում նա շարունակում է իր առևտուրը, որը հատկապես աշխուժ էր մոնղոլների հետ: Նա շուտով ձեռք է բերում մեծ անուն և հուշակ ոչ միայն իր հայրենիքում, այլ և մոնղոլների արքունիքում:

Այդ մասին Գանձակեցին գրում է.

«703 (= 1254 — Մանգու Ղանի աշխարհագրի ժամանակ)

.Բայց մեծարեցաւ ի նոցանէ այր մի մեծատուն վաճառական,

¹ Սրա մասին մանրամասն տես Գաբգին վ. Հովսեփյան—«Վախտանգ որդի Ումեկի և նրա տոհմը», Նյութեր և ուսումնասիրութեաններ հայ մշակույթի և արվեստի պատմութեան», պրակ Ա:

² Վարդան Բարձրեղցի—«Պատմութիւն տիղերական», էջ 193, Կ. Գանձակեցի, էջ 182:

Ումեկ անուն, դոր ինքեանք Ասիլ կոչէին, այր բարեգործ... եւ հայր անուանեալ թագաւորին վրայ Գաւթի և մեծարեալ ի Ղանէն գրով և յամենայն աւագանւոյն: Օա առատ սուր ետ Արղունին, և որ ընդ նմա և մեծարեցաւ յոյժ ի նոցունց»¹

1251 թվին Ումեկն թիֆլիսում կառուցում է մի եկեղեցի Կաթողիկե անունով, որը հետագայում հայտնի էր Ս. Գեորգի եկեղեցի, կամ «Մայրանի, բերդի մեծ եկեղեցի» անունով:²

Ումեկն մահացել է 1266 թվին և հավանաբար թաղված է թիֆլիսում իր կառույցած եկեղեցում:

Ումեկի անունը հիշվում է նաև Գեղարդի և Օհաննավանքի նվիրատվական մի քանի արձանագրություններում:

Ումեկն ուներ երեք որդի. առաջին կնոջից—Թագուհուց Քարմիադին և ճար: Երկրորդ կնոջից՝ Մամախաթունից (Պաչե-Նից, Հասան-Չալալի դուստր) Վախտանգ:

1291 թ. № 17 արձանագրությունը հիշատակում է Գարեմազնի ժառանգներին՝ Արղութին և Թագադին:

1301 թ. № 4 արձանագրությունը ճարի որդի Թադադուէնը նոր Գեաիկե անվանում է «Գանձագին հայրենի եկեղեցի»:

Ումեկի երկրորդ որդին՝ Վախտանգը մահացել է 1344 թ. հայտնի է որպես Հովհաննես Երզնկացու մեկենաս, որի խնդրանքով Գեղարդի գրեց է «Յաղագս երկնային շարժման» աշխատությունը:

Նոր Գեաիկե վանքի վաճառքը Զաքարյանների կողմից և նրա գնումը ժամանակի նշանավոր առևտրականների կողմից, շատ ընտրոշ երևույթ է իր ժամանակի համար, երբ կամա թե ակամա, աստիճանաբար թուլանում են նախկին ազնվատոհմ իշխանական տները, սկսում են վաճառել իրենց հողերը և հեռանալով քաղաքական և պատմական ասպարեզից իրենց տեղը գիջում են նոր գարգացող գրամատեր իշխաններին:

¹ Գանձակեցի, 350.

² И. Орбели—«Фрагмент крестного камня с арабской надписью в Тифлисе» Христианский Восток, VI, 2, 1918 стр. 197—202, Л. Меликсет-Бекоев—«О междуусобице в Тифлисе 1197 г. по поводу кривой пасхи» ИзвИИАИ т. III, 1925, стр. 59.

³ Գեա. Մատենադարան Ան. № 2144, էջ 188.

«Ի թվ 2ԺԵ (1266) Սուլթան Մորա Ֆեդիտառն աւերել զաշխարհն Գիլիկեացոց... ի նոյն ամին փոխեցաւ ի Բրիստոս սուրբ կաթողիկոս հայոց տէր Կոստանդին և պարոն Ումեկն ի Տփլիսս»:



Սրանով ավարտվում են մեր ունեցած տեղեկությունները Նոր Գետիկի կյանքի պատմության նկատմամբ:

Այսպիսով մենք հնարավորություն ունեցանք ուսումնասիրել Նոր Գետիկի պատմությունը ողջ 13-րդ դարի ընթացքում, սկսած նրա հիմնադրումից մինչև նրա վերջին թվական ունեցող արձանագրությունը:

14-րդ դարում արդեն թուլանում է Նոր Գետիկի հեղինակությունը: Նախկին այդ մեծանուն վանքը վեր է ածվում ժամանակի ընթացքում ավերակների:


Գոյություն ունեն կս երկու արձանագրություններ 17-րդ դարի երկու տասնամյակների վրա (21, 22), որոնք սակայն մեզ ոչինչ չեն ասում: Սրանք հավանաբար վանքում եղած վերահսկիչի կամ մեծավոր վանականների դամբարաններ են:

Իբրև եզրակացություն, մենք կարող ենք ասել, որ Նոր Գետիկի վանքը պատմական ասպարեզ եկավ ժամանակի հասարակական և քաղաքական անհրաժեշտությունից, ժամանակի ակնավոր գիտնական և հասարակական գործիչ Մխիթար Գոշի ջանքերով, որը և 20 տարուց ավել վարելով նրա մտավոր կյանքը կարողացավ դարձնել նրան, ինչպես ժամանակակիցներն են անվանում, «հռչակավոր», «հռչակագոյն» վանքերից մեկը:

Նա ունի իր ուրույն տեղը հայ միջնադարյան վանքադպրոցների շարքում, որպես ժամանակի առաջավոր գաղափարների ու ձգտումների պաշտպանի և տարածողի, ընդդեմ պահպանողական հետադիմական վանքերի և հոգևորականություն (Հաղբատ, Սանահին):

13-րդ դարի երկրորդ կեսից սկսվում է վանքի անկումը: Նրա աշակերտները հեռանում են վանքից, ոմանք հիմնում են իրենց համար նոր վանքեր, մյուսները հաստատվում ուրիշ վանքերում, իրենց հետ տանելով իրենց վանքի և ուսուցչի լավագույն տրադիցիաները:

14-րդ դարում նա դադարում է որպես դպրոց գոյություն ունենալուց և ժամանակի ընթացքում վեր է ածվում ավերակների:



Նկ. 7. Աստվածածնա եկեղեցու հյուսիսային արձանագրած պատը

Հ Ա Վ Ե Լ Վ Ա Ծ

Այս հավելվածում տեղավորված են Նոր Գետիկի վանքի այն արձանագրությունները (22), որոնք այս կամ այն կերպ նյութ են ծառայել վանքի պատմութեան պարզաբանման համար:

Նոր Գետիկի բոլոր արձանագրությունները թվով 94 հատ են: Նրանք հետաքրքրութուն են ներկայացնում թե՛ պատմական և թե՛ էպիգրաֆիկ տեսակետից:

Արձանագրություններն իրենց գրելու տեխնիկայով բաժանվում են չորս խմբի՝ 1. Արձանագրություններ, որոնք գրված են միայն ներկով (№ 2, 2): 2. Արձանագրություններ, որոնք գծագրված են ներկով և ապա փորագրված (№ 1, 6, 8 և այլն): Այս տիպի արձանագրությունները ամենամեծ թիվն են կազմում: Նրանցից մի քանիսը շատ լավ են պահպանել իրենց գծագրման առանձնահատկությունները, շատ պարզ նկատելի է նախնական ներկով գծագրված տրաֆարետային տարրերի հետքերը, երբեմն հանդիպում են տարրեր, որոնք այլ և այլ պատճառներով փնջել են միայն ներկով գրված: Այս հանգամանքը առիթ է տալիս Հ. Ա. Օրբելուն արտահայտելու այն կարծիքը, որ հայկական միջնադարյան արձանագրությունները գրվում էին նախօրոք պատրաստված տրաֆարետի միջոցով: Սա հաստատվում է նաև տառերի ձևերի և չափերի մանրադնին հետազոտութեան միջոցով:

3. Արձանագրություններ, որոնք գրվելուց, փորագրելուց հետո նորից ներկվում էին (3, 5, 9):

4. Հանդիպում էին նաև արձանագրություններ, որոնք փորագրված են նախկինում ներկով գրված այլ արձանագրութեան վրա (6):

ԱՐՁԱՆԱԳՐՈՒԹՅՈՒՆՆԵՐՈՒՄ ՕԳՏԱԳՈՐԾՎԱԾ ՊԱՅՄԱՆԱԿԱՆ
ՆՇԱՆՆԵՐԸ

1. / / — Փակագծով վերականգնված են կոտրված գրերը:
2. () — Փակագծով լրացված են բնագրում բաց թողնված գրերը:
3. [] — Փակագծով ցույց են տրված ավելորդ գրերը:
4. — Գծիկով ցույց են տրված անվերծանելի գրերն իրենց քանակով:

5. . . . Կեանքով ցույց է տրված անվերժանելի տողերը
առանց զրհրի քանակը նկատի առնելու:

1. Աստվածածին տաճարի

Արհելյան որմի հյուսիսային խորանի ճակատին.¹

1. Ի ՈՅ (640 - -1194) զինի Դ ամաց առնլո
զԵրուսաղէմ Սայահաղնին
2. սկսեալ եկեղեցիս սուրբ ի նորո Գեորգի եւ
կատարի
3. յամս Ե ի խանգար զատկին յունաց ձեռամբ
4. վարդապետին Մխիթարս ի հայրութեան
Վարդանա ձեռնաւութեամբ բարեպ-
5. աշո իշխանի Վախտանդա և նորին զուգակցի
Արզու Խ-
6. աթուռի եւ նորին եղբարցն Սմպատա Վասակա
Խոյ-
7. զնա Գրիգոր[ոզր]խաի և(ւ)նոցին զաւակացն
լիցի նոցա պա-
8. տարազ յեկեղեցիս ի տաւնի Աստուածածնին
յ Գ աւու-

¹ Հրատարակված է՝ Ս. Ջալալեանց, հ. Ա., էջ 140.

Կարգում է՝

1 տող «առն Լուղիմ Սայահանիզն»:

7—տող «Լիցի պատարագ»:

8 «Գ. աւար

9—10 տողերը ամբողջովին բաց է թողնված և փոխարենը զրված է «նոցին պապին»:

Սմբատեանց—«Գեորգորունի» էջ 173:

7 տող Գրիգորո Գրիս

Շահյաքունեանց—«Ստորագրութիւն», հ. Բ. էջ 367:

6—7 տող «Սորդն Գրիգորայ»:

Բարխուդարեանց—«Արցախ» էջ 350:

Кучук-Иоаннесов.—«Древности Восточные», т. IV, ст. 15.

1. Կաստանյան—«Վիճական տարեգիր», էջ 38:

Սպանդիարյան—«Մշակ» 1911 № 16, 17, 18:

Գ. Հովսեփյան—«Նյութեր և ուսումնասիրություններ», պրակ Ա.

9. րսն բայց զ Ա Հասանա հաւր Վախտանգա
 եւ զ Ա մաւ
10. ր նոցին Մամին և Բ հաւր Արզու Խաթունի
11. Քրդին բարեպաշտին անխափան: Զ տէր
12. Գրիգորէս յիշեցէք ի Քրիստոս
2. Արևելյան որսի խորանի գլխին—միայն ներկված կարմիր
 ներկով
1. Այս խորանս Անտոնի արդեամբք է շինած և
 — ա — — —
2. Անտոնի պատարագն Անտոնի և իւր — — անայն

3. /որ խափ/անէ դատի (ի Տեառնէ)¹
3. Բեմի հարավոյին մասում փորագրված և ներկված:
1. /կ/ամաւն Աստուծոյ ես Գրիգոր Հեջուբ ամիր-
 սպասալար
 Աւագին որդի Սմպատա որդոյ մեծին Վախտանգա
2. /կ/ողմնապետաց աշխարհին Արցախսա տաւալ
 Աթաբեկ Իվանէի սնոյց զիս և իւր տանն
 [աւել] Ավագին
3. /ա/ուջնորդ կացոյց զի ոչ ունեի գաւա
 կ յուսով խնդրեցի գալս եկեղեցի ինձ
 շիրիմ հան-
4. դատեան Աւագն ինձ երես և մխարան(քս
 սա)հմանեցին
 գալս խորանս պատարագեալ ինձ դ-
5. Քրիստոս հանապազ ով կարդայք Աւագին
 յերկար կենդանու-

¹ Հրատարակված է՝ «Ազգագրական հանդես» 10, 26:

² Ս. Զալախանց, հ. Ա. 135, «Ազգ. հանդես» 10, 21—չկա Աթաբակը

և. Կաստանեանց—«Վիմական Տարեգիր»:

Թիւն խնդրեցէք եւ Գրքագորոյ մեղաց թող-
 6. ութիւն թե աւագ կամ առաջնորդ խափանէ : ՅՅԺԸ :
 հայրապետացն նզոված լ(իցի) եւ ըմ մեղացն
 տիրէ

4. Հարավային որմի վրա. պատուհանից արևելք—կարմիր
 ներկով

1. Աստուծով ես թաղար/ա էնս?/ որդի Ճարին

2. Թոռն պարոն Ումեկին միաբանեցայ Սուրբ
 ուխտի-

3. ն Գեորգայ մեր գանձայդին հայրեն-

4. ի կեղեցոյս եւ էտու ի հալալ արդեա-

5. նց խմոց ի յիմ Հաննի գեղն ի նախեղուան

6. յիմ խաս այգուն ճ. կուժ գինի զընծի մեծ կ[ժ]

7. ով եւ յպմեն ամի խ (ո) տով հոգեւոր հաւըն իմ

8. Գա/սապեա/ վարդապետին եւ միաբանքս
 հաստատեցին

9. գՔրխատոսի յայանութեան աւըն զՋրուրհնէք

10. մեզ պատարագ (որ) քան լինի, որչափ ես
 կենդանի

11. եմ իմ ծնողաց եւ իմ եղբարցն լինի եւ յես
 էլից խմոց

12. յաշխարէս ինձ լինի պատարագն: Եւ ե-

13. թէ ոք յիմոց կամ աւտարաց խափանել ջանա-

14. : զիմ յիշատ(ակ)ս ի Քրիստոսի ահեղ ասեանին
 իմ (մ) եղաց

15. ն, պարտակն է եւ երխա Սուրբ Ժողովոյն
 նզովել եղեցի

16. Թվ. 20 (750—1301)¹

¹ «Ազգադրական հանդես» էջ 24—25, 1 տողը սկսւած է... մեք որդիք
 Ճարին, 6 տողը ՂԸՆԾԻ անձնականալի բառի փոխարեն «Անձի» բառը հար-
 ցականով:

Բաց է թողնված 7 ա. և 8 ա. առաջին կեսը

10 ա. ես կենդանի եմ բառի փոխարեն զրված է «առանի».

14 ա. չկա եղիմ»

5. Հարավային որմի արևելյան անկյունում փորագրված
և ներկված

1. Թւա հայոց Ոկե (551--1216). ես Գոհար
2. խաթունս ընդ առա-
3. ջին միաբանութեան
4. ետու զիմ այգին եւ շի-
5. նական մի ազատ որ ի
6. Թաագոմս ի սուրբ Աստուածածի-
7. նս եւ պարտին յիջման Սուրբ
8. Հոգւոյն Բ խորան
9. պատարագել¹

6. Հարավային որմնասյան վրա

1. Ի տաւնի սրբոյն Սարգսի Ա սլ-
2. առարսդ Մխիթարա եւ Մայր-
3. ախաթունին է անխաւիան կա-
4. տարիչքն աւրհնին յԱստուծոյ²

7. Հյուսիսային մուտքի նակատի վրա. սպիտակի վրա
կարմիր ներկով

1. Աստուծով ես տէր Յովան-
2. էս Արմանեցի ազատ գրեցի
3. զԳեողա ժողովուրդս ի հարկէ որ տաին
յաթու-
4. ն յիշխանութեան Գոնցա խաթունին ի խնդրո
կիր-
5. ակոս վարդապետին ի հայրութեան Աբրամի
վարդապետի
որ դայս խաւիան-

¹ «Աղագրական հանդես», 10, 28.

² 1 տողում թվականից հետո եււ 1216 թ. փրկչական»

4, 5, 6 տողում «իշխանական Յաչատուր Թաագոմս(?)»

³ Այս արձանագրութեան առկից նկատուում է հնում գրված արձանագրութեան հետքերը

6. է. յԱստուծոյ եւ յամէն Սրբոց նդովեալ եղիցի
եւ կատարողքն
7. աւրհնեալ միաբանքս տուաք նմա պատարագ
զմեծ եկեղեցիս
8. ի տաւնին Յովանու ի զատկին անխափան:
զընցաւ 2թ[՝]
(709—1260) թւիս
9. վկաութեամբ Յովհաննիսի —.....

Վարդան վարդապետի¹

8. Մրա տակին

Ոկէ

1. Ես էնոք իմ որդովք
2. Միաբանեցա ի Սուրբ Աստուածած-
3. նիս ի հայրութեան Մխիթ-
4. արա վարդապետայ եւ միաբանս(ց)
5. (կ)ամա(կ)ցութեամբ ստաց-
6. ա Բ պատարագ ի տաւ-
7. նին Սուրբ Խաչին²

9. Գավթի հյուսիսային կամարի վրա

1. Ես Մխիթար հիւան միայրան և աշխատող այս
եկեղեցոյ ի մ/ան/կութենէ մինչ ի ձերութիւն
շինեցի զտունս պաւթից.
2. /...../ իմով որդիացէլովս Յովհաննիսի եւ
ստացայ ինձ յիշատակ հոգեւոր Բ աւր պատարագ
կամակցութեամբ Սուրբ վարդապանն
առաջի Բրիտտոսի
3. /...../ էտացս և միայրան ուխտիս մի աւր
Մխիթ(թ)արա եւ մի աւր Յովհաննիսի խաչ-

¹ «Ազգագրական Հանդես» 10, 27:

² 1 տողը—«ԹՎ Ոկ—(660) և 1211 թ. Փրկչական»:

³ Զալալեանց, Կ. Ա. 443:

դուտին տաւնին: Ով դմեր յիշատակս
խափանէ մեր մեզացս պարտ(ականէ)¹

10. Արևելյան որսի վրա

1. Ի յաւուր գալստեան Հոգոյն ի մի սեղան
2. պատարազն հիւսանն է Մխիթարա եւ խափ-
3. անողքն դատ(ա)պարտին տալ ի տանջանս ն²

11. Սուրբ Գրիգորի եկեղեցի

- Իրսից եկեղեցու դռն կամարի և որմնասյամի վրա
1. Յուսուֆն Աստուծոյ Բ եղբարքս Մարտիրոս եւ
 - Գրիգոր եւ ամուսին Թամար, Աբել եւ Փերաւժ
 - շինեցին զեկեղեցիս ի սմա վեր անկեցին
 2. զայգին
 3. տէր Յով(հան) եւ միայր-
 4. անքս հատն նոցա պատ(արադ) զեկեղե-
 5. ցի Սուրբ տաւնն սրբոյն Գրիգորի: զՆ. խորան-
 6. ս Մարտիրոսի, Գրիգորի, Փէրաւժին, Թամար-
 7. ին, Նաղխաթունին եւ Մաթէսսին անխափան. կ-
 8. ատարիչքն աւրհնին յԱստուծոյ ՈՁ (630-1231)³

12. Հարավային խորանի դռն գլխին

1. Ծառայն Աստուծոյ Գերդ եւ ամուսին իւր կատայ
2. եւ զաւակսն նոցին շինեցին իւրեանց ընչիւք
3. զխորանս մի, աւր պատարազն նոցա է ի տաւնի
4. սրբոյն Գեորգայ Թափանողքն դատին ի

Տեառնէ⁴

¹ «Աղգարական հանդես» 10, 20.

² Նույն տեղում:

³ Ս. Զալալեանց, հ. Ա. 144. քաց է թողնված «Փերաւժ» շինեցաք զեկեղեցին, հետո զրված է «միտրանք խոստացան և այլն», Բարխուդարեանց—«Արցախ» «Փերաւժի» փոխարեն «Նփրեմայ», «Կիմական տարեգիրք» 75, «Աղգարական հանդես», 10, 31—32.

⁴ Բարխուդարեանց—«Արցախ», 251, Кучук-Иоаннесов—Древности Восточные, т. V. Ազգ. Հանդես, 10, 32.

13. Հարավային խորանի դրսի որմի վրա

1. Մեք եղբարքս Աբուժայ Աբու-
2. դամբ եւ Հայրազեղ զմեր հո-
3. գւոյ արդիւնքս յեկեղեցոյ շի-
4. նութիւնս տուաք յուսով եւ մի
5. աւր պատարագ ի տաւնի սրբոյն Սար-
6. գսի մեզ հաստատեցին. խաժանողքն պատե...¹

14. Հյուսիսային խորանի գլխին

1. Ի տաւնի սուրբ Խաչին: Ա: աւր պատար-
2. ազ Խաչատ(ուր) վարդապետին եւ եղբարց
իւրոց եւ
3. ծնողացն զի նոցա ընչիւք
4. շինեցաւ խորանս²

15. Սբ. Հռիփսիմյանց մատուռի—դռան վերնասյամի վրա

1. Սուրբ Հռիփսիմէ
2. ի Թւ. ՈՄԷ (657—1208) շինեցաք/
3. զեկեղեցիս Սերոբս եւ/
4. Ովասարս ի ձեռն/սուրբ վարդապետին/
5. Մ[սի]թար/ա/ ի բարեխ/աւսութիւն/
6. մեզ եւ ծնողաց/մերոց եւ ե/-
7. տուն.Ա. աւր պատարագ/ի տաւնի Սրբո/
8. Սարգսի .եւթէ ոք խափանէ դասի յԱստուծո՞³

¹ Ս. Զալլախանց, հ. Ա. 144. «Ազգագրական հանդես», 10, 32. հր. «Մբու-
ժայ» (?) «Աբուզմար» (?) ² սող. Հայրապետ:

² Ս. Զալլախանց, հ. Ա. 144. Բաբխուդարեանց—Արցախ, 351—352, Кучук-
Иоаннесов—Древн. Вост., т. IV.

³ Ազգագրական հանդես, 10, 33:

16. Սբ. Գեորգի մատուռի բեմի վրա

1. ՉԴ (704—1255)
2. Տէր Աստուած ողորմեա խաչատուր վարդապետ-
3. ին եւ Բարսղին՝ շինողաց եկեղեց/ւայս
4. եւ ամենայն աշխատողացն ի սմա: ամէն¹

17. Ջանգալատան 2-րդ հարկի արևելյան որմի վրա

1. Կամաւ ամենակալ-
2. ին Աստուծոյ ի թվ. հայոց: ՉՊ. (740—1291)
պարոնութեան Իզդիշ խա-
3. թունին եւ եզրարց խրոց Արդութին եւ Թաղադա-
[մուրին] (?) որդոց Քա-
4. բիմադինին որդո մեծին Ումեկն եւ այլ որդո
Սութուխին մեք: Բ յեղբ-
5. արքս Դասապետ վարդապետ եւ Կարապետ եղաք
հինն ի վերա եղեալ հիմանս եւ շինեց-
6. աք զանկակատուն եւ եկեղեցի յանուն սուրբ հրեշ-
տակապետացն Գաբրիէլի եւ Միքա-
7. էլի: Սակաւ ընչիւք մերովք եւ քեռոյն մերո
Իգնատոսի արդե /ամք/ բաղմաւք վերադրել
8. պարոնացն դրաք պարխապ շուրջ եկեղէցոյս եւ
այլ աշխատութիւնս ըստ մերում կարի
9. եւ Սարգիս վարդապետ հայր վանիցս եւ միա-
բանքս հաստատեցին զատկին և ճրագալուցին
պատարագ որ յեկեղէցիս Դ-
10. ասապետ վարդապետին եւ Կարապետին սանմանե-
ցին: Արդ ազաչեմ զամենայն ժառանգաւորսդ յի-

¹ Ս. Ջալալեանց, Գ. Ա. 145. Բաթխաւդարեանց—«Արցախ» 354, Куцук-
Иоаннесов—Древн. Вост., т. IV, 4. Կասսանեանց—«Վիմական տարեգիր»,
94, «Ազգադրական հանդ.» 10, 6.

11. Ղման արժանի արնէք զամենայն աշխատեալսն
ի սմա առաւել Զաքիոսն եւ զԳրիգորն¹

18. Երկրորդ Ս. Գրիգորի եկեղեցու հարավային որմի վրա

1. Ի թւին ՈՁՁ (686-1237) եւ Գրիգոր որդի
Սմբատայ

Արեւլյան անկ. տուն զաւառ

խորան եկեղեցի ոյս ինչ պատար

Արեւմտ. անկ. հինին յաստուծոյ կա²

19. Գավթի արևմտյան սյուները միացնող կամարի վրա

1. Ի տաւնի Փիլիպոսի

2. Առաքելոյն

3. Ս: պատարադ

4. սարկաւազին

5. Սարգսի է անխ-

6. ափան: զՅոհան-

7. էս զՎանականն յ-

8. աղաւթս յիշեցէք³

¹ Նոնիսարուհանց, հ. Գ. 363 ըսց է թողնված 2 տողի վերջին մասը և 3 ու 4 տողերը, 5, 6 տողերը կարգում է «եղաք հիմն ի վերայ եկեղեցւոյս ի վերայ նորա զանգակատունն» ըսց է թողնում 7-րդ տողի սկիզբը: 8-րդ — շուրջը կարգում է «սուրբ», ըսց է թողնված 9 տողի վերը և 10-ի սկիզբը:

«Աղբ. Հանդես» 2-րդ տողի վերջում փոխարեն կարգում է «խո-
քեշ», 3-րդ տ. ներքում կարգում է «ամուսին» 4 տ. «խաթունին», 5 տողում
չի կարգում «գա», 9 տ. «զաակի», փոխարեն «տարին», 11 տ. «Զաքիոսն»
կարգում է «Զաքոսն»:

4. Կասաճեանց—«Վիմական տարեգիր» 133, Բարխուդարեանց—«Ար-
ցախ», 153—154, Кучук-Иоаннесов—Превн. Вост. т. IV.

Գարեգին Հովսեփյան—«Նյութեր և ուսումնասիրություններ», պրակ Ա.,
էջ 10, ոչ լրիվ տեղադր արտագրված «Աղբ. Հանդես»-ից:

² Հավանաբար այս եկեղեցին կառուցող Հեղուր Գրիգորի արձանագրու-
թյունն է:

³ Աղգազրական հանդես, 10. 20:

20. Գավթի հարավային սյունները միացնող կամարի վրա

1. Կամուսն Աստուծոյ
2. Կիրակոս վար-
3. դասպետս տո-
4. լի ի մեր եկե-
5. դեցիս .Ք. գիրք եւ
6. .Ն. դահեկան .Ա.
7. շուրջառ եւ
8. դրի գդասերս:
9. Եւ միաբանքս
10. տուին մեզ .Բ. աւր-
11. պատարազ ի տաւ-
12. նի Թագէտսի ա-
13. ռաքելոյն
14. անխափան. դե-
15. դիա եւ դՅով.
16. Սարգիս յիշ/եցէք/¹

Աբ. Գրիգորի մատուռի մուտքի մտքի
դամբարանների վրա

- | | |
|---|--|
| <p>21. 1. Այս է</p> <p>2. հանգիստ Մկր-</p> <p>3. տիչ պար-</p> <p>4. ոն տէր</p> <p>5. ին. Թուին Ռ</p> <p>6. ՃԻԴ (1675)</p> | <p>22. 1. Այս է</p> <p>2. տապան</p> <p>3. Սարկ-</p> <p>4. աւաք</p> <p>5. քահանայի</p> <p>6. Թւ</p> <p>7. ՌՃԽԵ (1696)</p> |
|---|--|

¹ Զալալեանց, հ. Ա, 143, «Արաքս», 1892 թ., «Աղբ. հանդես», 10, 20.